

彊邛叢書





遜庵樂府目錄

水調歌頭 三

滿江紅 九

大江東去 三

水龍吟

漢宮春

滿庭芳 三

望月婆羅門引 二

蝶戀花 三

江城子 四

漁家傲 七

月上海棠 四

鷓鴣天 十五

臨江仙 三

浣溪沙 三

訴衷情

生查子

南鄉子

最高樓

點絳脣

西江月

遯庵樂府

稷山 段克己 復之

水調歌頭 癸卯八月十七日逆旅平陽夜聞笛聲有感

而作

亂雲低薄暮微雨洗清秋涼蟾乍飛破鏡倒影入南樓  
水面金波灑灑簾外玉繩低轉河漢截天流桂子墜無  
迹爽氣襲征裘 廣寒宮在何處可神游一聲羌管誰  
弄吹徹古梁州月自於人無意人被月明催老今古共  
悠悠壯志久寥落不寐數更壽

其二 迎送神二詞爲劉潤之賦

清秋好天氣禾黍已登場羣心思答神祝吉日復辰良

神旣來兮庭宇颯颯西風吹雨仙仗儼長廊巫覡傳神  
語出戶舞佺佺 剗肥豨瀝桂酒奠椒漿一年好處須  
記此樂最難忘風外淵淵簫鼓醉飽滿城黎庶健倒臥  
康莊夜久羣動息風散一簾香

其三

雙龍隱扶輦千騎縱翱翔雲旌翠蕤摩盪遙指白雲鄉  
風馭飄飄高舉雲駕攀留無處煙霧杳茫茫小立西風  
外似聽佩鏘鏘 暮天長秋水闊遠山蒼歸途正踏明  
月醉語說豐穰但願明年田野更比今年多稼神貺詎  
能忘君可多釃酒吾復有新章

滿江紅過汴梁故宮城

塞馬南來五陵草樹無顏色雲氣黯鼓鼙聲震天穿地  
裂百二山河俱失險將軍束手無籌策漸煙塵飛度九  
重城蒙金闕長戈嫋飛鳥絕原厭肉川流血歎人生  
此際動成長別回首玉津春色早雕闌猶挂當時月更  
西來流水繞城根空嗚咽

其二

塵滿貂裘依舊是新豐羈客還感慨中年多病惟堪眠  
食方寸玉階無地借詩書勲業休重憶況而今雙鬢已  
成絲非疇昔興廢事吾能說今古恨空填臆向南風  
望斷五絃消息眯眼黃塵無處避洗天風雨來何日待  
酒酣慷慨話平生無人識

其三壽陳丈良臣

有媯之後國於陳慶流苗裔還世有異人閒出簪纓不  
墜別派中分汾水右英靈吸盡姑山氣看鳳麟來應太  
平期爲佳瑞 都未展經邦志醫與卜渾餘事把活人  
手段此中聊試德義不孤朋友樂田園粗了兒孫計有  
鬢絲禪榻老生涯棲心地

其四夢庵張君信夫生朝

臘盡春來還又是新年入手人共喜丹山仙桂一枝初  
秀轉首黃金都散盡酒酣彈鋏蛟龍吼想平生豪氣尙  
依然衝星斗 紅未透花枝瘦人不老花依舊老生涯  
正要東山歌酒翠壁崢空山玉立長河瀉浪風雷走挽

山河勝概入金尊爲君壽

其五登河中鸛雀樓

古堞憑空煙霏外危樓高矗人道是宇文遺址至今相  
續夢斷繁華無覓處朱甍碧甃空陳迹問長河都不管  
興亡東流急儂本是乘槎客因一念仙凡隔向人閒  
俯仰已成今昔條華橫陳供望眼水天上下涵空碧對  
西風舞袖障飛塵滄溟窄

其六壽衛生衡之

春色三分猶未一元宵纔過行樂處輓紅香霧未收燈  
火楊柳梢頭黃尙淺梅花萼底紅初破待東風吹綠滿  
瀛洲愁無那無一物爲君賀歌我志君須和問人生



底事必須奇貨好對青山傾白墮休嗟事業違人些怕  
他時富貴逼人來妨高臥

其七清明與諸生登西磴柏岡

欲把長繩維白日暫留春住親友面一回相見一回非  
舊擾擾膠膠塵世事不如人意十常九向斜陽無語倚  
危樓空搔首活國手談天口都付與尊中酒這情懷  
又是去年時候風外紛紛飛絮亂柳邊湛湛長江去問  
老來還有幾多愁愁如許

其八遞庵主人植菊階下秋雨旣盛草萊蕪沒殆不可

見江空歲晚霜餘草腐而吾菊始發數花生意悽  
然似訴余以不遇感而賦之因李生湛然歸寄菊

軒弟

雨後荒園羣卉盡，律殘無射疏籬下。此花能保英英鮮，質盈把足娛陶令。意夕餐誰似三閩，潔到而今狼藉委蒼苔。無人惜，堂上客頭空白，都無語懷疇昔。恨因循過了重陽佳節。颯颯涼風吹汝急，汝身孤特應難立。漫臨風三嗅，繞芳叢歌還泣。

其九重九日山居感興

五柳成陰三徑晚，宦游無味還自歎。迎門笑語久須童，穉歸去來兮尊有酒。素琴解寫無絃趣，醉時眠推手遣君歸吾休矣。富與貴非吾事，貧與賤寧吾累。步東籬遐想昔人高致，霜菊盈叢還可采。南山依舊橫空翠，但

悠悠一點會心時君須記

大江東去和答衛生襲之

道人活計本清虛挂壁素琴而已底事中心嘗悄悄不  
足一人之毀人果何尤天無可怨正欲求諸已愧生乎  
內赧然其顙流泚 聖道不遠於人步趨進退誰復能  
違此好把藩籬都剖卻看取成蹊桃李篤敬忠誠尙行  
蠻貊豈不行州里三薰三沐爲君準擬沈水

其二送楊國瑞西行兼簡仲宣生

悲哉秋氣覺天高氣爽澹然寥泬行李怱怱人欲去一  
夜征鞍催發葉落長安鴈飛汾水怕見河梁別中年多  
感離歌休唱新闕 暮雨也解留人檐聲未斷窗外還

騷屑滿眼清愁吹不散莫倚心腸如鐵面目蒼浪齒牙  
搖落鬢髮三分白故人相問請君還爲渠說

其三次韻答彥衡

無堪老懶喜春來蔬筍勸加餐食底事東君留不住忙  
似人閒行客憂喜相尋利名羈絆心自無休息不如聞  
早付他妻子耕織門外柳弄金絲落花飛不起東風  
無力濁酒一杯誰送我歡意都非疇昔致主無心蒼顏  
白髮敢更希前席功名蠻觸何須千里追北

水龍吟壽舍弟菊軒

天高秋氣初清姑山汾水增明秀黃花紅葉輸香泛豔  
恰過重九細捻金蕤旋題新句滿斟芳酒況人生自有

安排去處須富貴何時有  
休說山中宰相也不效斜  
川五柳鉏犁自把山田耕  
罷雙牛隨後經史傳家兒  
孫滿眼漸能承受待與君  
坐閱莊椿歲月作皤然叟

漢宮春純甫生朝且有弄璋之喜賦此以賀

公子歸來笑平生湖海豪氣依然黃金散盡落魄誰識  
當年世閒底物解挽回鏡裏朱顏人共道愁須殢酒幾  
回推向尊前聞說夢熊初兆喜一枝慰眼歲晚流連  
蟠桃會須結子運偶三千詩書舊業要他時分付青氈  
□□□庭階照映臥看玉樹芝蘭

滿庭芳山居偶成每與文翰二子論文把酒歌以侑

觴亦足以自樂也

歸去來兮吾家何在結茆水際林邊自無人到門設不  
須關蠻觸正爭蝸角榮枯事不到尊前應堪歎清溪流  
水東去幾時還此身何處著從教容與木鴈之間算  
躬耕隴畝在我無難便把鉏頭爲枕眠芳草醉夢長安  
煙波客新來有約要買釣魚竿

其二

歸去來兮漁歌樵唱覓愁愁在那邊承流委順萬事沒  
機關眼底江山如畫松環抱修竹當前君便有侯封相  
印到此也須還人生消底物百年都付茆屋三閒但  
卷舒以道到了何難日月消磨雙鬢中原信未報平安  
蒙頭睡日高慵起簾影上三竿

其三雪夜用前韻

萬籟收聲六花呈瑞小橋路斷江邊笑潮州刺史匹馬  
藍關漫有清名千載一杯酒孤負生前爭如我圍鑪小  
酌和氣笑中還梅梢新月上芒鞋竹杖爛賞林閒便  
銷金低唱欲換應難勲業何須看鏡蓬窗底空臥袁安  
君須記游魚失水那可上長竿

望月婆羅門引癸卯元宵與諸君各賦詞以爲樂寂寞

山村無可道者因述其昔年京華所見  
以望月婆羅門引歌之酒酣擊節將有  
墮開元之淚者

暮雲收盡柳梢華月轉銀盤東風輕扇春寒玉輦通宵

游幸綵仗駕雙鸞閒鳴絃脆管鼎沸鼇山 漏聲未殘  
人半醉尙追歡是處燈圍繡轂花簇雕鞍  
華夢斷醉  
幾度春風雙鬢斑回首處不見長安

其二

鳳城春好玉簫金管恣游盤梅妝猶怯輕寒一曲清平  
妙舞掌上看回鸞漸霓裳欲徧翠斂春山 良宵易殘  
歌別鶴惜餘歡眼底浮華自滿塵浣吟鞍瘦羊私酒若  
真是京東夫子班身幸健敢復求安

蝶戀花壽衛生叢之

二月山城春尙未柳弄東風恰吐黃金蕊占斷溪頭佳  
麗地多君先得閒中趣 我爲虛名相絆繫君自深藏



不識愁滋味，世事無勞深著意。年登酒賤，須勤置

其二 聞鶯有感

鷓鴣一聲，春色曉。胡蝶雙飛，暖日明花草。花底笙歌猶未了。流鶯又復催春老。早是殘紅枝上少。飛絮無情，更把人相惱。老檜獨含冰雪操。春來悄沒人知道。

其三 壽山人湛然李生

巖菊開時，霜信杳。風雨無情，又是重陽了。茆舍疏籬人不到。牀頭醅甕生微笑。莫怪住山真。小草嚙損蛾眉愁。獨無人掃。花底一杯須健倒。醉中聽喚卿卿小。

江城子 甲辰晦日立春

雞棲行李短。轅車馬如蛙。畏途賒四十九年。強半在天

涯任是東風吹不去頭上雪眼中花  
甘泉宜稌復宜麻近山窳更宜瓜  
明日新年開早健還家報答春光猶  
有酒傾綠螳岸烏紗

其二九月有感

數椽茆屋大如蝸老生涯寄山家  
遮眼文書隨分有些些自媿行年  
如伯玉思往事盡堪嗟從他鼓吹  
沸鳴蛙鬢霜華曉來加南北東西  
泛若水中槎此去存身知有道深  
自隱效龍蛇

其三牡丹

百花飛盡彩雲空牡丹叢始潛紅  
培養經年造化奪天功脈脈向人  
嬌不語晨露重洗芳容卻疑身在  
列仙

宮翠帷重瑞光融  
爍爍紅鐙閒錯綠  
蟠龍醉裏天香吹  
欲盡應有悟夜來風

其四塵事鞅掌每與願違  
緬懷山林蕭散之趣

九衢塵土浣儒冠  
鏡中看失朱顏傾  
倒囊資我欲買青  
山贖種閒花多釀酒  
塵土外覓清歡  
功名餘事且加  
餐老來閒豈天慳  
鐵笛橫吹牛背穩  
如船細馬更須馱  
二八平地上作臞仙

漁家傲送春六曲

龍尾溝邊飛柳絮  
虎頭山下花無數  
花底醉眠留杖屨  
花上露隨風散漫  
飄香霧  
老去逢春能幾度  
不妨且作風光主  
明日不知風共雨  
回首處夕陽又下  
西山去

其二

不是花開常帶酒，只愁花盡春將暮。把酒酬春無好句，春且住。尊前聽我歌金縷。醉眼看花如隔霧。明朝酒醒那堪覷。早是閒愁無著處。雲不去。黃昏更下廉纖雨。

其三

春去春來誰作主。怨他昨夜江頭雨。把酒問春春不語。頭懶舉。亂紅飛過秋千去。芳草澹煙江上路。鷓鴣聲裏斜陽暮。風外榆錢無意緒。空自舞。如何買得青春住。

其四

一片花飛春已暮。那堪萬點飄紅雨。白髮送春情更苦。愁幾許。滿川煙草和風絮。常記解鞍沽酒處。而今綠

暗旗亭路怪底春歸留不住鶯作馭朝來引過西園去  
其五

詩句一春渾漫與紛紛紅紫俱塵土樓外垂楊千萬縷  
風蕩絮闌干倚徧空無語 畢竟春歸何處所樹頭樹  
底無尋處惟有閒愁將不去依舊住伴人直到黃昏後  
其六

斷送春光惟是酒玉杯重捧纖纖手檀板輕敲歌欲就  
眉黛皺翠環暗點金釵溜 自笑而今成老醜鶯花依  
舊情非舊楊柳自從春去後誰擡舉腰支新也如人瘦  
其七正月十四日有感而作

燈火蕭條春日暮荒山月上閩村鼓羈客閒愁知幾許

千萬緒人閒沒箇安排處  
醉袖翩翩隨所寓冷然便  
以風爲馭指點虛無雲外路  
留不住東將入海隨煙霧  
月上海棠壬寅冬躬謁玉清壇下客有歌月上海棠者

乃玉清作也詞致高遠真游乎方外者明年  
吾友陳子颺過余山中始爲屬和因亦次韻

以簡知音

住山活計宜聞早身世滄溟一漚小  
日月兩跳丸迭送人閒昏曉  
朱顏換風雪俄驚歲杪  
敝衣旋補荷盈沼  
算騎鶴揚州古今少休苦似吳蠶  
剛把此身纏繞君知否  
我自無心可了

其二和答楊生彥衡

小樓舞徹雙垂手便倩鴈將書寄元九舉首望南山獨  
蛾眉數峰明秀人未老且任高歌對酒莫將此樂輕  
孤負喚明月清風作三友纖手折黃花步東籬爲伊三  
嗅英雄淚醉搵應須翠袖

其三

時平無用經綸手且閒把文章和歐九天氣湛清秋便  
無限山明水秀留客飲但願尊中有酒鷓鴣夷到處須  
親負尋山鳥山花好朋友塵世自薰蕕把瑤英與君同  
嗅西風外歸去長拖布袖

其四同詩社諸君飲芹溪上

閒人不受春拘管被東風暗入羅帷暖草色近還無傍

溪陡覺金沙軟梅花蓄風味朝來不淺十分澉灩金  
蕉滿口兩頰潮紅百憂散不醉且無歸任門外玉繩低  
轉歡娛地莫道書生冷眼

鷓鴣天九日寄彥衡濟之兼簡仲堅景純二弟

點檢笙歌上小樓西風簾幕捲清秋綠醅輕泛紅萸好  
黃菊羞簪白髮稠今古恨去悠悠無情汾水自西流  
澹煙衰草斜陽外併作登臨一段愁

其二

酒滿金尊客滿樓美人清唱眼波秋花隨酒令筵前散  
香逐芳鬢坐上稠山歷歷水悠悠百年光景去如流  
直須爛醉酬佳節莫惹人閒半點愁



其三彥衡諸君皆有和章因復仍韻以寫老懷

不是秋來懶上樓  
龍鍾詩骨不禁秋  
舊歡去我如天遠  
新恨撩人似髮稠  
空咄咄漫悠悠  
老來總是少風流  
千金買笑佳公子  
醉臥瓊樓不識愁

其四青陽峽對酒

千尺長虹下飲溪  
兩山環合翠屏圍  
非魚定不知魚樂  
得鹿還生失鹿悲  
花藹藹絮霏霏  
東風不染鬢邊絲  
百川尙有西流日  
一老曾無卻少時

此溪西流故云

其五

古木寒藤蔭小溪  
溪邊更著好山圍  
波閒容與雙鷗淨  
空外飄飄一鶚飛  
湍浪瀉萬珠霏  
風前天棘舞青絲

蘭亭豪逸今陳迹不醉東風待幾時

其六

颭颭輕舟逆上溪何時柳樹已成圍貪看歸鳥投林急  
不覺殘花入座飛 蘭棹舉麴塵霏新荷挽斷有餘絲  
酒酣卻對青山笑面目蒼然不入時

其七上巳日再游青陽峽用家弟誠之韻

瓦釜逢時亦轉雷春江得雨浪崔嵬不才分作溝中斷  
偶對溪山一笑開 題姓字拂青苔此翁來後更誰來  
不須更待移文遣俗駕聞風已自回

其八

樓外殘雲走怒雷西山晴色晚崔嵬柳熏遲日千絲暗

花噴溫磨一夕開  
須席地更茵苔  
素琴橫膝賦歸來  
一觴一詠風流在  
牛背如船倒載回

其九

古獄干將未遇雷  
一生肝膽漫崔嵬  
不將身向愁中老  
賸把懷於笑裏開  
賢聖骨長寒苔君  
如不飲復何來  
便從今日爲頭數  
比到春歸醉幾回

其十暮春之初會飲衛生襲之家酒酣諸君請作樂府  
因爲賦之使覽者知吾輩之所樂也

幼歲文章已自豪  
皤然猶記兩垂髦  
從教酒債生前有  
莫待詩瓢死後漂  
都三萬六千朝  
百年強半是羈騷  
須君自製黃金膾  
醉我新筍玉色醪

其十一

醞酒椎牛詫里豪  
臨流觴詠富時髦  
紛紛世態浮雲變  
草草生涯斷梗漂  
愁不寐夜難朝  
廣陵散曲屈平騷  
從今有耳都休聽  
且復高歌飲楚醪

其十二

當日元龍氣最豪  
而今塵土墊冠髦  
紛紛落絮隨風舞  
泛泛輕鷗亂浪漂  
拚一醉便千朝  
文章休說僕奴騷  
春來春去容顏改  
輸我花前把碧醪

其十三

七字驪珠句法豪  
老夫倒甲墮纓髦  
輿薪不見明何謂  
雷雨無聲麥已漂  
窮硯墨幾昏朝  
星星鬢髮半刁騷

從人笑我冬烘甚猶可尊前舉爵醪

其十四

把酒簪花強自豪花枝羞上阿翁髦不教春色因循過  
忍爲虛名孟浪漂醒復醉暮還朝紛紛四海正兵騷  
從渠眼底桑田變且醉牀頭撥甕醪

其十五和答尋正道

襯步金沙村路遙歸來羞費楚詞招蜂黏落絮行池面  
蝶避游絲過柳橋方外友仗誰邀定於驢上作推敲  
窮愁正要詩料理莫問春來酒價高

臨江仙壽周景純

仲蔚門牆蓬藿滿幽居不用聲華醜妻惡妾勝無家學

須勤苦就富貴豈天耶  
鼻聖未除斤未運相望咫尺  
天涯芹溪猶有折殘麻此心終莫展遲汝對巖花

其二三月十日與諸君約會西園久而不至花漸狼藉

且賦此以排悶

人道花開春爛漫花殘春便無情小園獨自繞花行是  
非何日定洗耳聽江聲  
芍藥牡丹俱不見風枝猶有  
殘英階前梨葉已成陰所期猶未至何日倒吾瓶

其三幽懷用前韻

白首老儒身連蹇不隨時世紛華儘他人笑魯東家皇  
天如欲治舍我復誰耶  
此道未行應有待何須思慮  
無涯男供耕穫女桑麻薄軀何所事問柳與尋花

浣溪沙壽衛生行之

莫說長安行路難  
休歌骯髒倚門邊  
且將見在鬪尊前  
人意十分如月滿  
月明一夕向人圓  
年年人月似今年

其二元夜後一日史生仲恭久客初還酒閒喜爲賦此  
馬上風吹醉帽偏  
一川晴雪嫋吟鞭  
冷雲堆裏指家山  
慈母已占烏鵲喜  
佳人望月拜嬋娟  
今宵人月十分圓

其三壽菊軒弟

白髮相看老弟兄  
閒身無辱亦無榮  
兒孫已可代躬耕  
欲了文章千載事  
不須談笑功名青  
山高臥待昇

平

訴衷情初夏偶成

東風簾幕雨絲絲  
梅子半黃時  
玉簪微醒醉夢開  
卻雨三枝  
初睡起  
曉鶯啼倦  
彈棋芭蕉新展  
徙倚湖山彩  
筆題詩

生查子 正月上旬夜夢寐閒聞雪作詰旦起視但雲煙

出沒曉山濃淡如畫西望長河僅一髮耳作長

短句以寫一時勝概

澹月晃書窗  
夜靜雲撩亂  
敲枕蕭蕭聽雪聲  
落葉閒階滿  
清曉獨開門  
澹蕩東風軟  
詩句成時墮渺茫眼底  
江天遠



南鄉子壽縣大夫薛君寶臣

五福幾人全我見君侯得處偏素著藹然鄉曲譽喧傳  
盡道新官似舊官五袴復歌廉竹馬兒童更可憐萬  
室春風和氣裏鳴絃好似今年勝去年

最高樓壽衛生行之

并序

衛生行之少流寓兵革中旣長始知讀書其立志剛  
信道篤而家苦貧年饑諸幼滿前雖併日而食不卹  
也暇日與賓友飲酒賦詩爲樂余旣嘉其有守喜爲  
稱道於其始生之日作樂府以歌詠之俾觀者知吾  
行之之爲人矣

貧而樂天命復奚疑兒女聚嬉嬉東村邀飲香醪嫩西

家羞饌蕨芽肥把年華都付與錦囊詩 白髮青衫是  
人所惡金印碧幢是人所慕顧吾道是耶非山妻解煮  
胡麻飯山童自製薜蘿衣問人生須富貴是何時

點絳脣暮秋晨起書所見

愛酒淵明無錢羞對黃花語一杯誰舉寂寞空歸去  
屋上青山山上行雲度悠然處是中真趣欲寫還無句  
西江月久雨新霽秋氣益清與二三子登高賦之

人與寒林共瘦山和老眼俱青琤然一葉不須驚葉本  
無心入聽 氣爽雲天改色潦收煙水無聲夕陽洲外  
片霞明涵泳一江秋影

人與物皆由氣而生氣之清濁與人身之清濁相類故曰人身之清濁與天地之清濁相類也

人身之清濁與天地之清濁相類也故曰人身之清濁與天地之清濁相類也

人身之清濁與天地之清濁相類也故曰人身之清濁與天地之清濁相類也

人身之清濁與天地之清濁相類也故曰人身之清濁與天地之清濁相類也

人身之清濁與天地之清濁相類也故曰人身之清濁與天地之清濁相類也

人身之清濁與天地之清濁相類也故曰人身之清濁與天地之清濁相類也

菊軒樂府目錄

滿江紅四

大江東去三

木蘭花慢

滿庭芳

望月婆羅門引五

江城子四

行香子

月上海棠五

鷓鴣天十六

臨江仙八

驀山溪

蝶戀花二

浪淘沙

朝中措

南鄉子二

本蘭花四

清平樂二

訴衷情

水調歌頭

平陽府志

卷一

一

一

一

一

一

一

一

一

菊軒樂府

稷山 段成已 誠之

滿江紅張丈信夫林亭小酌感事懷人用遜庵兄韻  
光景催人還又是西風吹袂青鏡裏滿簪華髮不堪憔悴  
一月幾逢開口笑十年滴盡傷時淚倩一尊相對說  
清愁花前醉 初未識名爲累今始覺身如寄把閒情  
換了平生豪氣致主安民非我事求田問舍眞良計看  
野雲出岫卻飛回元無意

其二新春用遜庵兄韻

料峭東風吹醉面向人如舊疑竚立野禽聲裏無言搔  
首庭下梅花開盡也春痕已到江邊柳待人閒事了覓

清歡身先朽 菟裘計何時  
有林下約牀頭酒怕流年  
不覺鬢邊還透往事不堪重  
記省舊愁未斷新愁又把  
春光分付少年場從今後

其三偶覩春事闌珊謹用遜庵登鶴雀樓韻以寫所懷  
點檢花枝風雨外雪堆瓊甕春去也朱絲絃斷鸞膠難  
續眼底光陰容可惜舊游回首尋無迹對青山一晌倚  
枯藤灘聲急 人已老身猶客家在邇歸猶隔縱語音  
如舊形容非昔芳草緜緜隨意綠平波渺渺傷心碧到  
愁來惟覺酒杯寬人閒窄

其四遜庵兄以閔菊樂府見示三復之餘倚歌和之  
誰把秋香偏著意植根姑射塵土外鮮鮮元有可人容

質日久漸隨蕪其沒歲寒還與松同潔傲新霜還有兩  
三枝天應惜 巾自漉醅微白人已老歡猶昔愛此花  
不負淵明清節醉裏不知人世換悠然獨倚西風立問  
一中時復慰窮途何如泣

大江東去寄衛生襲之

干戈蠻觸問渠爭直有幾何而已畢竟顛狂成底事漫  
把良心戕毀坐穴藜牀磨穿鐵硯自有人知已摩挲面  
目不應長爲人泚 過眼一線浮華辱隨榮後身外那  
須此便恁歸來嗟已晚荒盡故園桃李秋菊堪餐春蘭  
可采免更煩鄰里孫郎如在與君共枕流水

其二送楊國瑞西歸



西風汾浦鴈初飛，秋水渺茫無際有。底忙時來復去，泛若虛舟不繫籬。菊將開，村醪初熟，且住爲佳耳。笑言相答箇中吏，隱無媿。歲月不貸閒人，君顏非少，我髮白如此。好把金杯休去手，萬事惟消沈醉。日轉山腰，馬嘶柳外，歌闋行人起。憑高西望，相思目斷，煙水

其三 贈答楊生彥衡

暮年懷抱對水光，林影欣然忘食推。手功名非我事閒處，聊爲閒客世故多。虞人生如寄，一榻容安息。鬢絲千丈，誰家機杼堪織。三徑松菊猶存，誅茆薙蕨，時借鄰翁力。酒滿芳尊，山滿眼，此意無今無昔。平地風波，東華塵土不到幽人席。興來獨往，溪南還又溪北。

木蘭花慢 元宵感舊

金吾不禁夜放簫鼓恣游遨被萬里長風一天星斗吹  
墮層霄御樓外香暖處看人閒平地起仙鼇華燭紅搖  
醉勒瑞煙翠惹吟袍老來懷抱轉無聊虛負可憐宵  
遇美景良辰詩情漸減酒興全消思往事今不見對清  
尊瘦損沈郎腰惟有當時好月照人依舊梅梢

滿庭芳齋居有感繼遜庵兄韻

鏖戰文場橫揮筆陣萬言一策平邊青雲穩步逸氣蓋  
賢關致主堯虞堂上真儒事直欲追前回頭錯閒中風  
味一笑覺都還百年都幾日何須抵死著意其閒尋  
一北一壑此固無難遁迹月蘿深處風吹夢不到長安

渾無事牀頭睡起檐日已三竿

望月婆羅門引清明後醉書於史氏之別墅

東風嫋嫋飛花一片點苔衣等閒秬損香霏春去春來  
無迹靜裏幾人知問沈郎何事帶減腰圍功名願違  
算此計未應非賸把閒愁殢酒幽興裁詩溪山好在悵  
眼中渺渺故人稀回首處清淚如絲

其二

繡華夢斷吹花風起卻添衣滿庭紅雨霏霏獨倚繩牀  
微歎此意竟誰知悵西園轉眼翠幕成圍事無我違  
覺四十九年非便好忙開蔣徑細和陶詩風流已置撫  
遺編三歎賞音稀人不見絃斷朱絲

其三翼日封生仲堅見和因復用韻以答

小窗睡起曉寒特地怯春衣篝燈坐擁殘霏滾滾愁來  
何處獨有兩眉知倩一尊聊爾爲解重圍賞心莫違  
桃李事轉頭非幾曲承平舊譜數首新詩花開正好算  
一番風雨未應稀舒醉袖惹住游絲

其四晨起與仲堅偶坐少焉雨作其聲灑灑然絕似文

場下筆時因借前韻戲成一篇

蹉跎歲晚牀頭鐵硯已生衣破窗雨送輕霏暗裏隨風  
入夜花上早先知聽一時下筆鏖戰文圍天心不違  
更問甚是和非便著春衫換酒醉墨題詩逢場作戲覺  
賞心樂事未全稀還自歎蟲吐餘絲

其五仲堅復見和文勢亶亶殊覺逼人可謂不負忍窮  
矣而其言若有所感因取舊韻述已意以答之雖  
知荒於詞章猶賢於無所用心也

長安倦客不堪重整舊朝衣天香尙帶餘霏蓋世虛名  
何用正爾畏人知愛青山屋上面面屏圍十朋弗違  
好事外卜皆非辦取殘年香火暇日歌詩東塗西抹笑  
顛狂如我向來稀休看鏡鬢髮成絲

江城子季春五日有感而作歌以自適也

百年光景霎時間鏡中看鬢成斑歷徧人閒萬事不如  
閒斷送餘生消底物蘭可佩菊堪餐功名場上稅征  
鞍退時難處時安生怕紅塵一點污儒冠便恁歸來嗟

已晚那更待買青山

其二

階前流水玉鳴渠愛吾廬愜幽居屋上青山山鳥喜相  
於少日功名空自許今老矣欲何如閒來活計未全  
疏月邊漁雨邊鉏花底風來吹亂讀殘書誰喚九原摩  
詰起憑畫作倦游圖

其三幽懷追和遜庵兄韻

昔年兄弟共彈冠轉頭看各蒼顏千古功名都待似東  
山忼慨一杯風露下追往事敘幽歡晨霞翠柏尙堪  
餐養餘閒未全慳十丈冰花況有藕如船醉裏忽乘鸞  
鶴去塵土外兩矐仙

其四東園牡丹盛開二三子邀余飲花下酒酣卽席賦  
之

水南名品幾時栽映池臺待誰開應爲詩人著意巧安  
排調護正須宮樣錦遮麗日障飛埃曉風吹綻瑞雲  
堆怨春回要詩催醉墨淋漓隨手灑瓊瑰歸去不妨簪  
一朶人也道看花來

行香子書舍偶成

自歎勞生枉了經營到而今一事無成不如聞早覓箇  
歸程向渭川漁東市卜富春耕眼底浮榮身外虛名  
儘輸他時輩崢嶸得偷閒處且適閒情有坐忘篇傳燈  
錄洗心經

月上海棠次遯庵兄繼玉清韻

酒杯何似浮名好一入枯腸泰山小喚醒夢中身鷓鴣  
數聲春曉昂頭處幾點青山木杪 人生得意魚游沼  
視過眼光陰向來少須卜一枝安笑月底驚烏三繞無  
窮事畢竟何時是了

其二重九之會彥衡賦詞侑觴尊兄遯庵公與座客往  
復賡歌至於再三語意益妙殆不容後來者措手

彥衡堅請余繼其後勉爲賦之

黃花未入淵明手日攪空腸幾回九山色繞吾廬猶是  
當年明秀忘言處此意何嘗在酒 等閒莫把良辰負  
恨不見平生舊親友三徑甫荒涼東籬下落英誰嗅傷



時淚不覺沾襟漬袖

其三

老來還我扶犁手想豪氣十分已無九都把濟時心分  
付與一時英秀還自笑潦倒猶堪滯酒從前枉被虛  
名負何似尊前聖賢友織手斫金齋一嚼不妨時嗅頰  
然醉臥印蒼苔半袖

其四冬至後一日獨居無悰用前韻

光陰輸與閒人手屈指窮冬又初九風雪擁柴關竹外  
一枝梅秀醅甕熟似笑淵明止酒溪山舊約吾無負  
便結無情歲寒友世味儘醇醲掩鼻向伊慵嗅蓬茅底  
有手何妨且袖

其五詩社諸君復相屬和又不免步韻獻笑

秋風鶴髮雙龜手不如意事十常九蓬藿映閒階嗟叢  
菊汝奚爲秀衡門掩問字無人載酒永惟道德心初  
負向上將求古人友三徑抱遺編藹餘馥殘膏誰嗅趣  
時樣竟銜羔裘豹袖

鷓鴣天重九日用遜庵兄韻

那得工夫上酒樓誰家皮裏更陽秋但教閒事心頭少  
免致清霜鏡裏稠休咄咄儘悠悠佳時來往亦風流  
百年光景無多子請向尊前聽解愁

其二

手段慚非五鳳樓題詩把菊負清秋黃柑旋折金苞嫩

白酒親斝玉液稠  
身外事付悠悠  
牛山何必涕空流  
不如且進杯中物  
一酌能消萬古愁

其三

豪氣消磨百尺樓  
憂來一日抵三秋  
故人落落晨星少  
新塚纍纍塞草稠  
思往事去悠悠  
夕陽回首忽西流  
葉聲偏入愁人耳  
聲本無心人自愁

其四  
上巳日陪遜庵兄游青陽峽

瀲灩春江走怒雷  
翠巖千丈立崔嵬  
山英似與游人約  
盡放浮雲一夕開  
傾綠酒坐蒼苔  
大書歲月記曾來  
直將醕酎酬佳節  
挽住春光不放回

其五

不卹枯腸殷夜雷一杯胸次失崔嵬暫將平昔看書眼  
移向溪山好處開從健倒臥莓苔明朝有酒更重來  
百年光景無多子爛醉溪頭得幾回

其六

冷臥空齋鼻吼雷野禽呼我上崔嵬幽懷畢竟憑誰寫  
笑口何妨對酒開巖鎖蔦徑封苔愛閒能有幾人來  
虛名蓋世將安用引斷長繩喚不回

其七

三月寒潭未起雷臨流照影笑崔嵬詩無好句頤難解  
尊有芳醪手自開山下石水邊苔春風來似不曾來  
酒闌偶趁飛花去路斷前溪笑卻回

其八再游青陽峽奉和遯庵兄韻

行徹南溪到北溪  
山回萬馬合長圍  
花如有舊迎人笑  
雲自無心出岫飛  
揮醉墨帶煙霏  
婆娑醉舞拂青絲  
昔時心賞今猶在  
但恐風流異昔時

其九

瀑布巖前水滿溪  
青陽廟下四山圍  
歌殘白雪雲猶佇  
舞落烏紗鳥忽飛  
迷晚色鎖晴霏  
野花如綺柳如絲  
一尊不惜頽然醉  
明日重來已後時

其十立春後數日雪盛不出因賦鄙語敬呈遯庵兄一

笑

擺脫浮名儘自閒  
人閒萬事一蒲團  
歸田老去方知樂

行路今來始覺難  
山雪盛草堂寬  
客牀輾轉若爲安  
甫能望得春消息  
一夜東風特地寒

其十一

誰伴閒人閒處閒  
梅花枝上月團團  
陶潛自愛吾廬好  
李白休歌蜀道難  
林壑靜水雲寬  
十年無夢到長安  
五更門外霜風惡  
千尺青松傲歲寒

其十二

那得茅齋一晌閒  
地鑪敲火試龍團  
頭從白後彈冠懶  
腳自頑來應俗難  
塵世窄酒杯寬  
百年轉首一槐安  
是非臧穀何時了  
隱几西窗月色寒

其十三

堂上幽人睡正閒  
門前聲利聚爲團  
花香惱夢尋無處  
詩句撩人寫復難  
空自歎倩誰寬  
驚鳥三繞幾時安  
青山隔岸迎人笑  
舊有盟言且莫寒

其十四  
上巳日會飲衛生襲之家園

千古蘭亭氣象豪  
當時座上盡英髦  
林藏修竹依山靜  
花逐流觴信水漂  
悲往事樂今朝  
雖無絲竹有風騷  
回頭一笑還塵迹  
莫厭尊前醉濁醪

其十五

殢酒償春笑二豪  
題詩品物愧時髦  
心如幽鳥忘機靜  
身似虛舟到處漂  
須富貴是何朝  
一杯聊慰楚人騷  
逢花堪賞應須賞  
座有嘉賓尊有醪

其十六和答尋正道

鵬翼翩翩去路遙歸來羞費楚詞招讀書未免終投閣  
沽酒何妨暫過橋風與月不須邀時來閒處伴推敲  
兒童也笑翁慵甚睡起牀頭日已高

臨江仙繼遜庵兄韻

十載龍門山下路夢魂不到京華此身著處便爲家窮  
通吾有命不樂復何耶萬事尊前供一笑浩然逸興  
無涯詩人休更詠北麻東風吹酒醒冷眼看飛花

其二

四十六年彈指過蒼顏換卻春華在家居士已忘家誰  
人知此意袖手向毗耶世故驅人何日了漂流不見



津涯輓腸一鉢有胡麻紛紛身外事渺渺眼中花

其三田閒閒步偶成

管領韶華成老醜有情爭似無情芒鞋竹杖葛衣輕悠  
悠身外事寂寂水邊行眼底光陰猶是夢何須身後  
虛名仰天一笑絕冠纓東風歸路穩十里暮山青

其四李山人壽

濁酒一卮歌一曲大家留住秋光片雲輕護曉來霜殷  
勤籬下菊滿意爲君香四海干戈猶未定此身底處  
安藏醉中聞說有眞鄉便從今日數三萬六千場

其五暮秋有感

濁酒一杯歌一曲世閒萬事悠悠閒來乘興一登樓西

風吹葉脫盡見四山秋 自古興亡天不管屈原枉葬  
江流寸心禁得許多愁 莞然成獨笑白鷺起滄洲

其六

轉眼榮枯驚一夢百年光景悠悠浮生擾擾笑何樓試  
看雙鬢上衰颯不禁秋 古往今來多少事一時分付  
東流五更枕上調清愁 笛聲何處起明月蓼花洲

其七

走徧人閒無一事十年歸夢悠悠行藏休更倚危樓亂  
山明月曉滄海冷雲秋 詩酒功名殊不惡箇中未減  
風流西風吹散兩眉愁 一聲長嘯罷煙雨暗汀洲

其八

自笑荒才非世用功名都付悠悠斷腸怕上夕陽樓蕭  
蕭楓葉下漠漠葦花秋 日月不知忙底事東生又復  
西流古人不見使人愁秋蘭無處采流水滿芳洲

驀山溪 衛生襲之壽

杏花半吐花底香風度楊柳嫋金絲拂晴波垂垂萬縷  
東君著意付與有情人山下路水邊村總是堪行處  
春光幾許不用忙歸去呼取麴生來把閒愁一時分付  
大都是醉三萬六千場遇有酒且高歌留取青春住  
蝶戀花 衛生襲之生朝遯庵兄作歌詞以壽之余獨無

言襲之執卮酒堅請不已勉用兄韻以答其意

點檢東園花發未蝶繞芳叢馥馥香浮蕊買酒酬春君

有地不妨日涉聊成趣  
身世虛舟元不繫浮利浮名  
是甚閒情味花下一杯方得意  
人閒萬事宜姑置

其二 明日衛生見和復次韻

燕子歸來寒食未脈脈桃花微露胭脂蕊  
回想舊游歌舞地狂詩顛酒當時趣  
白日長繩誰可繫老去情懷  
事事都無味倦鳥知還非有意  
忙時宜用閒時置

浪淘沙 惜花

好箇杏花時只怕寒欺東君無意惜芳蕤  
雨橫風狂都  
不管儘被禁持  
瘦損一分肌著甚醫治  
一天春恨沒  
尋思怎得丁寧雙燕子說與教知

朝中措 偶出見牆頭杏花喜而賦之

無言脈脈怨春遲  
一種可憐枝  
最是難忘情  
處牆梢微露些兒  
十分細看風流卻在一半開時  
正要東風擡舉  
莫教吹破胭脂

南鄉子衛弟行之壽

蘭玉衛諸郎  
我見白眉子  
最良說似向人人  
不會何妨  
靜裏誰知竹有香  
歲月沒商量  
暗地催人兩鬢霜  
三萬六千須實數  
休忙纔是東風第一場

其二薛寶臣生朝俱用薛氏實事

郡姓記君先  
烏鵲翔飛瑞  
自閒聞在兒時人  
已憚他年  
又作河東一鳳傳  
佳政訟分縑  
看賦春游第幾篇  
躡躡誰爲門下客  
休歎欲換先生苜蓿盤

木蘭花重陽前幾日籬下始見菊放數花嗅香按蕊慨

然有感而作以貽山中二三子

人生行樂須聞早休惜一尊花下倒無情歲月不相饒  
轉首吳霜紛莫掃佳時苦恨歡悰少鏡裏衰顏難更  
好試將離恨說渠儂天若有情天亦老

其二

不才自合收身早一座青山成潦倒蒙頭贏得日高眠  
落葉滿庭慵不掃殺人四海知多少留住頭皮貧亦  
好年年種菊待花開不道看花人漸老

其三

蓴鱸江上秋風早四海狂瀾驚旣倒明知不是入時人

閉戶十年成卻掃 故人落落晨星少  
紅葉黃花依舊好 登臨信美自無情  
坐覺風光容易老

其四

醉中昨夜歸來早 應怕蒼苔曠健倒  
一尊鬪健莫蹉跎 過眼光陰如電掃  
破除萬事心頭少 酒自於人情味  
好醒時還醉 醉還醒 賴得此鄉容此老

清平樂 薛子余弄璋

東君調度錯 怨春遲暮 一葉蘭芽今始露  
香滿君家庭戶 抱看玉骨亭亭精神秋水  
分明自是人閒英物 不須更試啼聲

其二 送張君美經歷之任安西幕

雞聲戒曉催上長安道賓幕雍容年正妙人物風流温  
嶠 政成海泳江涵門闕賸有餘閒公事不妨行樂春  
風韋杜城南

訴衷情史仲恭壽

芹溪清淺舞漣漪墜釣錦鱗肥黃花一尊芳酒萬事覺  
俱非 留晚景惜香霏醉時歸最關情處迎門稚子一  
笑牽衣

水調歌頭山中偶成用遜庵兄韻

人生等行旅能費幾春秋元龍漫矜豪氣百尺臥高樓  
昨日青青雙鬢今日星星滿鏡轉首歲華流歸去便歸  
去何處覓菟裘 一枝筇一壺酒寄真游姑山玉立千



菊  
古  
何直下看神州欲語幽情誰可賴有白鷗知我塵世儘  
悠悠一笑對妻子出處不須籌

礪溪詞目錄

無俗念

十二  
醉江月

沁園春

六

水龍吟

六

滿庭芳

四

神光燦

三  
聲聲慢

上丹霄

三  
上西平

月中仙

三

瑤臺月

二

木蘭花慢

二

望海潮

二

醉蓬萊

齊天樂

漢宮春

留客住

梅花引

六么令

芰荷香

喜遷鶯

雙雙燕

鳳棲梧

四

萬年春四點絳脣

忍辱仙人七漁家傲

黃鶴洞中仙三筓子

望蓬萊四望江南

青蓮池上客二青玉案

報師恩五瑞鷓鴣

金蓮出玉花七滅字木蘭花

悟南柯三南柯子

鍊丹砂浪淘沙

清心鏡三紅窗迥

玉爐三澗雪六西江月

訴衷情三

解冤結三解佩令

玩丹砂三浣溪沙

無漏子三更漏子

恣逍遙二殢人嬌

桃源憶故人二

好離鄉二南鄉子

蓬萊閣二秦樓月

熱心香二行香子

下手遲二恨歡遲

心月照雲溪鷲山溪

離苦海

離別 雜

武陵春

水雲游

黃鶯兒

望遠行

烏夜啼

賀聖朝

無夢令

二  
如夢令

補遺

漁家傲

無俗念

陳書

水經

山經

地記

序

卷一

短記

雜錄

雜錄

雜錄

卷二

雜錄

磻溪詞

棲霞 丘處機 通密

無俗念居磻溪

孤身蹭蹬泛秦川西入磻溪鄉域曠谷巖前幽澗畔高  
鑿雲龕棲迹煙火俱無簞瓢不置日用何曾積飢餐渴  
飲逐時村巷求覓 選甚冷熱殘餘填腸塞肚不假珍  
羞力好弱將來餬口過免得庖廚勞役裝貫皮囊熏蒸  
關竅圖使添津液色身輕健法身容易將息

又歲寒守志

彤雲瑞雪正三冬鬱閉嚴凝時節寂寞山家孤悄悄終  
日無人談說敗衲重披寒控獨坐夜永愁難徹長更無

寐朔風穿戶淒冽 求飯朝入西村臨泉夾道玉葉凌  
花結陝西有一種草長二尺許不知名秋冬則上莖死  
下莖活曉寒則於半莖之間結冰二棱如箭羽狀  
凍手頻呵仍自恨濁骨凡胎爲劣晝夜參差飢寒逼迫  
早晚超生滅須憑一志撞開千古心月

又枰棋

前程路遠未昭彰金玉仙姿靈質寂寞無功天賜我棋  
局開顏消日古柏巖前清風臺上宛轉晨餐畢幽人來  
訪雅懷閒鬪機密 初似海上江邊三三五五亂鶴羣  
鴉出打節衝關成陣勢錯雜蛟龍蟠屈妙筭嘉謀斜飛  
正跳萬變皆歸一含弘神用不關方外經術

又讚師

漫漫苦海似東溟深闊無邊無底遂遂羣生顛倒競還  
若游魚爭戲巨浪浮沈洪波出沒嗜欲如癡醉漂淪無  
限化鵬超度能幾 惟有當日重陽惺惺了了獨有衝  
天志學易年高心大悟掣斷浮華韁繫十載丹成一時  
功就脫殼成蟬蛻從師別後更誰風範相繼

又蓑衣

深溪古岸到秋來莎密茸茸無極揀擇修纖歸洞府虛  
落晴天吹炙雨束絲乾千條繩就不假良工織閒軒親  
自結成漁父裝飾 時伴樵牧嬉游青山綠水帶雨和  
煙適妙絕堪珍幽徑晚披雪衝開蘆荻我本忘名人皆  
易號喚作蓑衣客磻溪皆呼蓑衣先生他年功滿化雲天上無迹



又竹

虛心翠竹稟天然一氣生來清獨月下風前堪賞玩嘲  
謔令人無俗嫩葉蕭騷隆冬掩映秀出千林木英姿光  
潤狀同玄圃寒玉好事東里田侯乃東鄰南溪新種  
使我開青目盡日高吟窗外看風颭筠梢搖綠冉冉幽  
香蕭蕭疏影坐臥清肌肉雲龕閒伴雅懷惟稱仙福

又月

偃巖傍隴益長更蕭索昏魔非一皓月澄澄山上顯天  
角輝輝初出露結霜凝金華玉潤淡蕩何飄逸清臨寰  
宇發揚神秀姿質悽愴六合羣情淹沈幽昧慘怛劬  
勞疾大闡良因弘濟度皆得逍遙寧謐浩氣騰騰餘光

藹藹至性那虧失圓明法界法輪常自充實

又暮秋

霜風蕩颺舞飄零木葉斜飛阡陌極目長郊凝望處衰  
菊爛熳猶坼點點蒼苔漫漫朝露漸結清霜白山川高  
下盡成一片秋色 蕭灑萬物摧殘淒涼天氣愁損征  
途客水谷雲根無可玩獨有蒼蒼松柏悟道真仙忘機  
逸士亙古同標格欺寒壓眾自來天地饒得

又述懷

羣山四瀆暮天晴揮斥陰魔消伏太一巖前風道快千  
尺波翻蟾足怒雪驚濤衝堤拍岸雷輓雲翻逐青鷗白  
鷺月明江上飛速 高下萬疊千羣相呼相召會合清

江曲寶月神珠時逗引輓出都忘鈴東踴躍飄飄玲瓏  
燦燦價忽連城玉含弘光大上天入地翻覆

又仙景

十洲三島運長春不夜風光無極寶閣瓊樓山上聳突  
兀巍峩千尺綠檜喬松丹霞密霧簇擁神仙宅漫漫雲  
海柰何無處尋覓遙想徐福當時樓船東下一去無  
消息萬里滄波空浩渺遠接天涯愁碧痛念人生難逃  
物化怎得游仙域超凡入聖在乎身外身易

又樂道

迎今送古歎春花秋月年年如約物換星移人事改多  
少翻騰淪落家給干兵官封一品得也無依託光陰如

電百年隨手偷卻 有幸悟入玄門擘開疑網撞透眞  
歡樂白玉壺中祥瑞罩一粒神丹揮霍月下風前天長  
地久自在乘鸞鶴人閒虛夢不堪回首重作

又性通

法輪初轉慧風生陡覺清涼無極皓色凝空嘉氣會豁  
蕩塵□胸臆五賊奔亡三尸逃遁表裏無蹤迹神思安  
泰湛然不動戈戟 信步紫陌紅塵飢餐渴飲度日隨  
緣覓物外閒中天地寶時復丁當敲擊後約參師前程  
歸路自有眞消息鶴書來召坐昇雲漢游歷

沁園春示眾

世事紛紛似水東傾甚時了期歎利名千古爭馳虎豹

丘原一旦總伴狐狸枳棘叢中桑榆影裏亂塚堆堆誰  
是誰君知否謾徒勞百載空皺雙眉爭如歸去來兮  
放四大優游無所爲向碧巖古洞完全性命臨風對月  
笑傲希夷一曲玄歌千鍾美酒日月循環不老伊童顏  
在鎮龜齡鶴壽唱罷黃雞

又

列鼎雄豪兔走烏飛轉頭悄然似電光開夜雲中乍閃  
晨霜迎日草上難堅立馬文章題橋名譽恍惚皆如作  
夢傳爭如我效忘機息慮返樸歸原壺中異景堪憐  
是別有風花雪月天玩四時時見祥雲瑞氣三光光罩  
玉洞瓊筵滿泛流霞高吟古調骨健神清丹自圓真堪

愛待功成一舉永鎮飛仙

又

智勇男兒速悟塵勞勿將性疲但此身彼物皆名幻化  
多虛少實不可追隨萬種纏緜干般汨沒荏苒光陰老  
卻伊爭如向玄真教法討論希夷 乾坤蕩蕩無依似  
一片閒雲出世奇悟性宗合道恩山易挫神舟得岸苦  
海難迷行滿功成仙游羽化物外何如口底歸無他事  
要昇天入地俱在心爲

又

大智閒閒放蕩無拘任其自然寄雅懷幽興松閒石上  
高歌沈醉月下風前玉女吹簫金童舞袖送我醺醺入

太玄玄中理盡浮沈浩浩來去縣縣奇哉妙景難言  
筭別是人閒一洞天要立身敦厚山磨歲月從他輕薄  
海變桑田神氣沖和陰陽升降已占逍遙陸地仙無煩  
惱任開懷縱筆端寫靈篇

又讚佛

淨梵王宮太子殷勤雪山六期把世情我態絲毫斷念  
雲根水谷麻麥充飢芥納須彌毛吞大海自古男兒了  
悟時超生滅任循環宇宙不管東西圓成無得無知  
信法界空空寂滅機又勿勞習定安禪作用偷閒終日  
打坐行治大理無時真功非相動靜昏昏合聖規無高  
下但能通般若總鎮牟尼

又九日號縣傅宅作朝眞醮

曄曄重陽秀氣飄飄廓周大千正故庵交會賓朋浩浩  
每年重九日道青霄依約鴻鴈翩翩是處登高銜杯逸  
友集祖庵燒香興放曠猶如陸地仙朝眞會讚金風淡蕩玉露新鮮  
黃花嫩蕊堪憐散嫋嫋清香滿坐傳使眾人得味皆明  
至道羣鶯無語獨王秋天豔杏妖桃繁華春景莫與迎  
霜敢鬪堅乘佳趣對芳叢爛飲一醉千年

水龍吟西號

鳳鳴南邑清佳大仙降迹行鸞地琳宮寶閣星壇月館  
槐陰竹翠煙蓋雲幢影搖寒殿往來呈瑞向虛亭東望  
平川似錦洪波泛渺天際山秀水甜人義徧坊村各



生和氣我來不忍輕歸劉蔣乃故庵村名天心地肺須待他  
時暗淘真秀育成丹桂去長安路上眠冰臥日作終身  
異

又警世

筭來浮世忙忙競爭嗜欲閒煩惱六朝五霸三分七國  
東征西討武略今何在空悽愴野花芳草歎深謀遠慮  
雄心壯氣無光彩盡灰槁歷徧長安古道問郊墟百  
年遺老唐朝漢市秦宮周苑明明見告故址留連故人  
消散莫通音耗念朝生暮死天長地久是誰能保

又夜晴

夜晴寥廓初寒碧天瑩澈琉璃翠無陰樹下長安樓上

月明風細百禍潛消萬家同賞一般清味見金星朗朗  
銀河耿耿交光燦滿天地流轉碧空如水任縱橫略  
無凝滯衝山拍海傾光騰秀縣縣吐瑞達了從茲寶餅  
堅固玉漿時泥把衷情欲訴何人會得且陶陶醉

又春興

昊天空闊初晴氣迴萬物欣欣茂亭臺俯仰山川高下  
妝成錦繡碧洞清泉響聞迢遞一聲長溜更時時注目  
悠悠遠看青峰上白雲奏無限靈禽異獸慰閒心不  
辭柴瘦含風翠柏雙崖爭長千株競秀耀日丹臺四時  
爲伴百年隨壽任寒來暑往星移物換得高眠晝  
又

洞天春色盈盈亂山秀出千堆錦雲收雨斂曉晴煙淡  
碧空橫枕高臥怡怡頓開懷抱釋迷忘寢看仙花瑞草  
迎風照日騰光彩異凡品歡慶時豐歲稔萬邦寧百  
邪俱禁太平國裏長安陌上縱橫有甚大道無疑旁門  
斜徑不須詳審是從來浩劫神仙過路但曾經恁

又道運

混元南嶽初開瑞雲透出崑崙表星移電轉陰升陽降  
紅光縹緲鶴舞鸞翔看烏龜共赤龍蟠繞盡鴻濛一氣  
烹成造化神仙道片時了雲散十方三界洞天深月  
明風嫋此時占得長生門戶遐齡體調吟詠從他海移  
山變石枯松老伴煙霞獨向非非境外恨知音少

滿庭芳述懷

漂泊形骸顛狂蹤迹狀同不繫之舟逍遙終日食飽恣  
遨游任使高官重祿金魚袋肥馬輕裘爭知道莊周夢  
蝶蝴蝶夢莊周休休吾省也貪財戀色多病多憂且  
麻袍葛屨閒度春秋逐瞳尋村過處兒童盡呼飯相留  
深知我南柯夢斷心上別無求

又警世

百尺危樓千閒峻宇豔歌出入從容幻身無賴何異燭  
當風舊日掀天富貴當時耀絕代英雄百年後都歸甚  
處一旦盡成空諸公聞早悟抽身退迹跳出樊籠念  
本初一點牢落無窮幸遇時平歲稔偷閒好消息圓融

忘機處靈波湛湛獨鎮水晶宮

又余自東離海上西入關中十五餘年捨身求道聖賢  
是則墳塋罷修考妣枯骸孰加憐憫邇聞鄉中信士  
戮力葬之懷抱不勝感激無以爲報遂成小辭殷勤

寄謝云

幼稚拋家孤貧樂道縱心物外飄蓬故山墳壟時節罷  
修崇幸謝鄉豪併力穿新壙起塔重重遺骸竝同區改  
葬遷入大塋中 人從關外至皆傳盛德悉報微躬耳  
聞言心下感念無窮自恨無由報德彌加志篤進立功  
深回向虔誠道友各各少災凶

又九日

寒鴈聲迴園林色變暮秋別是風光練波橫地錦樹應  
天長過雨雲山磊落迎霜茂金菊芬芳佳辰會千門萬  
戶歡笑慶重陽嘉祥誰得遇吾門四友極味先嘗乃  
頻霑清露時倒霞漿飲罷醅醑灌頂歸來後月滿虛堂  
無愁思陶陶快樂酩酊入仙鄉

神光燦

悲歡絕念視聽忘懷從初號曰希夷不曉根源剛強說  
是談非百般拈花摘葉謾徒勞使盡心機這些事筭人  
人易悟箇箇難依不在脣槍舌劍人前鬪惺惺廣學  
多知上士無爭只要返樸除疑冥冥放開四大把塵勞  
一旦紛飛認得後管教賢拍手笑歸

又

推窮三教誘化羣生皆令上合天爲慕道修真行住坐  
臥歸依先須保身潔淨內常懷愍物慈悲挫剛銳乃初  
心作用下手根基 款款磨礱情性除貪愛時時翦拂  
愚迷福慧雙全開悟自入希夷靈臺內思不疚任縱橫  
出處何疑徹頭了儘虛空裁斷是非

又

修真門戶大道家風長春境界無邊秀氣盈盈闔裏別  
有壺天天中自然快樂運三光日月周旋忘伎巧任淳  
風坦坦聖道平平 一念還鄉宿處三宮罩清靈萬派  
歸源浩浩神光來去透骨縣縣行人頓除造作待功成

指日登仙未行者向詞中明取一言

上丹霄迷惑

洞天清神山秀少行人盡貪戀世夢崢嶸仙風瑞景眼前雖頓卻如盲愛河終日競浮沈來往縱橫東方出西方沒南方死北方生四方轉異類翻騰區區甚日道眸開闡欲心更願將靈質悟空華彼岸高登

又贈京兆府統軍夾谷龍虎

感皇恩承天詔控西南大門敞高對煙嵐雙權再任過期無代復登三晏然軍國事和平災害封緘年將暮心歸道搜玄路訪清談降尊寵謙下無慚山人放曠本來無得有何參但能慈忍戒荒淫名挂仙銜



又荅隴州防禦裴滿鎮國

厭塵勞拋家計慕清閒向物外觀照人閒須臾變滅蜃  
樓敲側海濤翻暫時光景轉身休百歲如彈掀天富  
傾城麗過人勇徹心姦盡逐境顛倒循環紛紛醉夢往  
來爭奪苦摧殘不如聞早伴煙霞高臥雲山

月中仙賞月

日色西沈上高臺迴觀天地寥廓疏星隱見空一輪明  
月昭昭無著皓然三界外似百鍊青銅鑑躍處處恩光  
被家家照臨庭戶啓冥漠長生萬里清風助乾坤蕩  
搖雲霧難作仙宮寶殿正爛霞金碧相輝參錯大哉消  
夜景鎮千古含弘磊落有志攀青桂蟾宮兔邊看擣藥

又

側磬懸鐘慕巢由隱淪活計蕭索天然耿介愛一身孤  
僻逍遙雲豁利名千種事我心上何曾掛著幸遇清平  
世諸軍宴安刀劒罷揮霍民歌兩穗之豐教門與我  
忘三島之約來賓去友遞日常幽谷驂鸞騎鶴洞前無  
限景異花秀香風噴薄更謝汧源眾分餐助余長嘯樂

又對松

落落長松倚浮雲大山高占幽僻亭亭隱士愛洞天巖  
穴深藏虛極對門開是景掛猿狖離羅峭壁盡日無他  
事惟調虎龍交媾坐磐石時時鶴聽嘉音動笙簧轉  
流空外飄激人明至道惡管絃幽噎花閒沈溺出羣常

羨此歲寒重孤疑黛色鍊性超於彼身閒永同居壽域

瑤臺月自詠

平生懶惰只贏得無憂一枕高臥蓬頭垢面不管形骸  
摧挫任三光日月奔馳放四大林泉擔荷深溪畔幽巖  
左青山擁白雲鎖災禍雷轟電掣無由近我日午起  
行了還坐把舊習般般打破清閒處惟有這些兒箇倦  
貪心樂受貧窮愛恣意慵興煙火糧無貯丹無貨蕭然  
唱灑然和堪可神仙未了優游且過

又勸酒

浮名浮利歎今古悠悠顛倒人泥茫茫宇宙多少含靈  
愚智盡勞生終日貪圖競抵死奔波沈滯觀烏兔嗟身

世百年壽一春寐虛費爭如滿酌流霞送醉助四大  
聊壯神氣辨萬化休論富貴時時訪山谷道人游戲效  
猖狂物外高吟慶滑杯中美味開懷抱忘愁繫解其  
忿挫其銳遙致青松皓鶴緜緜度歲

木蘭花慢轉輪

歎靈源曠代本無極信優游自撲散形生消磨混沌落  
入行囚竝斲四方宛轉向迷津大海苦淹留法界羣情  
擾擾夢魂千古悠悠淪流敗骨如山知何日是程頭  
好鍛鍊真空三光慧照萬劫雲收終須捨身拚命更惜  
頭護面幾時休裂碎中間一點便超得岸神舟

又西虢作善者多而感應屢至

佇登臨曠望溥雲氣北山興旋恍惚陰陽虛無變化寥  
廓充盈奇峰狀如太華靄棱層峻極染空青急雨翻盆  
潑墨迅雷激電飛聲威靈大騁神通三伏暑結凝冰  
歎是處飄風良田遇害廈屋遭傾惟斯道鄉幸感屢涔  
涔至也忽然輕深信皇天輔德善因惡果分明

望海潮學道

神仙風範長生門戶從來道德爲基餘外萬般留心一  
念顛狂造作皆非真教示開迷自上古軒轅龍駕齊飛  
代代相傳授至今日盡歸依虛無千聖同規蓋摧殘  
嗜欲剖判天機貪利喻讎觀身似夢婪耽不整容儀恬  
素返希夷任垢面蓬頭紙襖麻衣行滿都拋卻泛寥廓

步雲霓

又脫俗

堅牢基址清閒門戶生涯不比塵緣幽曠大山通明上  
士逶迤倣效神仙勤動向巖前緩植桂栽松藥圃芝田  
萬仞高峰下伴龜鶴度流年吾常志僻心顛愛簞瓢  
淡薄詞翰嘲掀幽洞小溪開懷取興時成短句長篇馳  
馬勝花牋任奮筆狂吟走霧飛煙放蕩如如性混終日

恣乾乾

醉蓬萊

九月十八日西號劉氏醮

乍三清鶴降萬里雲收昊天空翠玉磬琅琅動乾坤聲  
銳盡日修齋虛堂設醮慶大仙恩惠滿獻霞觥長歌妙

曲留連師意 二九良辰菊花開徧正是重陽素秋佳  
氣爛漫香風健飄飄丹桂秀景稀逢上眞難遇幸一時  
相際鴈影沈沙蟾光照夜醺醺同醉

齊天樂憶法眷

自東離海上元本三州四人同契異域殊鄉同行竝坐  
終日相將遊戲談玄論妙究方外清虛道家眞味唱和  
從容一時法眷情何義 如今分頭迴然苦志勤心磨  
鍊各逃傾逝既是飄零難爲會合幽僻關山迢遞乾坤  
閒隔望落落猶如曉星之勢再遇何年駕雲朝上帝

漢宮春苦志

二十年閒大魔交正陣約度千重狂弓迸箭暗窗零落

無窮因心睡覺透歷年無礙真宗興慧劍羣魔自然消  
散獨騁威雄出入銳光八表算神機莫測天網難籠  
驅雲掃霧蕩搖法界無蹤飛騰變化任太虛蕭瑟鳴風  
巡四海崢嶸□□往來幾箇人同

留客住修道

四元遇過華山共臨秦地詠歌談笑暗闡重陽嘉趣無  
爲自令人化有幸天使官磨相閒阻東連海上奮三公  
高義大開門戶教行普歎我離羣忘形慵舉內省無  
憊外患何憂何懼三光盛衰交變萬化恩害相生天地  
數留身且住待青霄得志坦然行步

梅花引磻溪舊隱



無名客無牽迫無桑無梓無田宅古巖前老松邊長歌  
隱几徐徐考太玄玄中默論無生死實際何曾分彼此  
貫千金協三靈包含萬化都歸一念冥行不勞坐不  
倦任行任坐隨吾便晚風輕暮天晴逍遙大道南溪上  
下平溪東幸獲忘形友月下時斟消夜酒酒杯停月華  
清披襟散髮欣欣唱道情

六么令法性

渾淪撲散天地始玄黃鳥飛兔走漸生羣物類開張一  
點如如至性撲入殞皮囊游魂失道隨波逐浪萬年千  
載不還鄉錯了鴻濛體段憎愛日相望卻認父母形  
骸做我好容光劫劫輪迴敗骨受盡苦和殃何人聞早

尋他歸路瑩然恢廓舊嘉祥

芟荷香乞食

日奚為信騰騰繞村覓飯充飢攔門餓犬撐突走跳如  
飛張牙怒目待操心活齧人皮是則是教你看家寧分  
善惡不辨高低可歎信信此物蓋多生乖劣一性昏  
迷談科演教丁寧掐耳難知雖然太上駕親臨無處慈  
悲為人早早修持還到恁時發憤應遲

喜遷鶯鍊心

要離生滅把舊習般般從頭磨徹愛欲千重身心百鍊  
鍊出寸心如鐵放教六神和暢不動三尸顛蹶事猛烈  
仗虛空一片無情分別關結除縲綆方遇至人金口

傳微訣頓覺靈風吹開魔障形似木雕泥捏既得性珠  
天寶勘破春花秋月恁時節鬼難呼惟有神仙提挈

雙雙燕春山

春煙淡蕩青山媚行雲亂飄空界花光石潤秀出洞天  
奇怪戶牖平高萬丈盡耳目臨風一快多生浩劫塵情  
曠朗渾無纖芥堪愛逍遙自在疏枷鎖拋離業根冤  
債風鄰月伴道合水晶天籟無限崢嶸勝景盡賜與山  
堂教賣干聖寶珠酬價問君誰解

鳳棲梧

寄東方學道者

天下風光何處好八水三州自古長安道錦樹屏山方  
曲繞天涯海角誰能到既 是拋家須早早雲水登程

莫戀閒花草直到潼關西嶽廟教君廓爾清懷抱

又道友見訪於磻溪

孤僻堪巖清淨界鑿土安身抱道忘知解道友相看惟  
莫怪貧閒守拙無相待 富貴功名堪倚賴多是非  
尖險多成敗玉食馨香終不耐簞瓢寂淡常安泰

又

今日思量當日故知我前程迢遞時難度福佑不弘天  
不助恩恩欲去無門去 走骨行屍心已悟魂夢悠悠  
且向磻溪住幸謝街坊豪傑戶時時驀謂來相顧

又述懷

西轉金烏朝白帝東望銀蟾皓色籠青桂  
扣南華排

菊會滿斟北海醺醺醉  
醉臥終南山色翠山色清高  
夜色無雲蔽一鳥不鳴風又細  
月明如畫天如水

萬年春土控

土穴秋來温温漸覺陽和勝  
幽棲興道家偏稱疏懶多  
貧病凜冽天寒葉落山川淨  
窗前競雪飄風勁熱焙  
閒吟詠陝西呼  
炕爲焙

又衲衣

衲襖秋來著身漸覺時相稱  
霜天淨暢懷道興不怕西  
風勁百片千條上下穿  
聯定口還正外疏狂性內放  
明珠瑩

又杜鵑

春暖煙晴杜鵑永日啼芳樹聲聲苦勸人歸去不道歸  
何處我欲東歸歸去無門路君提舉有何憑據空設  
閒言語

又警睡

秋夜沈沈漏長睡醒多思想須依仗道情和暢不縱魔  
軍王打疊神情物物離心上虛空帳慧燈明放坐待  
金雞唱

忍辱仙人號縣元押司求

物外天機惟不審人間世事無過恁縱你英雄官極品  
身如質貪饜逼迫應圖甚我自飢餐并渴飲布裘不  
羨披綾錦飽暖之餘邪僻徑虛堂任曲肱展腳和衣寢

又春澤

數載田苗長亢旱今春雨雪何滋漫嘉兆分明知過半  
將來看掀天大熟歌謳滿 二月花開成片段干株柳  
發排堤岸又待教人裝好漢相呼喚提壺挈榼爭跳竄

又

一澤天恩齊慶賀羣生地著無飢餓愁態眉間都蹴破  
還眞箇盈街堆畝收田課 醞酒邀賓時唱和排筵看  
食重堆種醉飽腥羶心不挫驕矜過卻憂福裏潛生禍

又春興

春日春風春景媚春山春谷流春水春草春花開滿地  
乘春勢百禽弄舌爭春意 澤又如膏田又美禁煙時

節堪遊戲正好花間連夜醉無愁鬢玉山任倒和衣睡  
又聲色

豪氣衝天居列鼎笙歌聒地排淫境玉鐙飛龍衫帽整  
風流騁不知撲入琉璃井滑壁千尋光似鏡交加出  
路無門徑饒你玲瓏機巧性誰逃命與他送卻頭皮影  
又妙用

千古聖賢皆一軌互初得得從心起除此逍遙安穩地  
無餘理自然消息恬然美不在勞神并苦已般般放  
下頭頭是選甚花街并柳市虛空體本來一物無凝滯  
又

天下周游身不動人閒照了心無用閒把虛空頻趯弄



行雲從八方上下輕收縱  
兔角錐兒鑽骨痛龜毛拂  
子敲山重掃蕩邪魔靈物空清風送太平國裏乘鸞鳳  
黃鶴洞中仙贈同道

都要奔波走誰肯堅心守南北東西總一般此外無他  
有踏盡鐵鞵迷不出庵門透水到渠成本自然行滿  
功成就

又號縣渭南梁裏

此地風光勝人物俱相應水竹深藏數十家戶知天  
命我愛清虛景策杖尋幽徑每日巡村轉一遭信步  
閒吟詠

又自述

故里在天涯海上無名士因遇終南陸地仙挈我來游  
此素愛斷蓬飛野鶴孤雲志頂笠披蓑人不知便是  
風狂子

望蓬萊王喬二生架屋於渭水之南頗遂幽曠因以望

蓬萊詞贈之

王喬地一曲甚清嘉古道彎環連水石垂楊裊裊帶煙  
霞桃李閒桑麻其中有崇道兩三家知命固窮皆淡  
薄樂天清儉不奢華隨分保生涯

又秦川

秦川好一片錦紋華日出雨晴山色秀月明風急水聲  
嘉千里淨無涯余到此喜慶復難加天祐時豐堪養

道地靈人傑不生邪時復伴煙霞

又南溪竹磻溪舊隱也

南溪竹騰秀入青冥直節虛心功未顯深根固蒂道先  
明霜雪豈凋零 休悵恨大器晚圓成自有孤高棲鳳  
質能教倜儻化龍形他日看超昇

又游興

飄蓬客天賜水雲間自在行時無日月相隨到處有蒼  
蠻風雨亦開顏 修鍊事地軸鎖天關出有入無三尺  
劒長生不死一丸丹名列上仙班

青蓮池上客入關

重陽羽化登仙路兄弟如何措各各勤修生覺悟通無

入有靜思忘念密考丹經祖 一時浩劫眞容露放蕩  
情懷任詩句直待人閒功行具雲朋霞友爽邀風月笑  
指蓬瀛去

又幽棲

一從東別長安道西住礮溪廟漸扣南山名迹杳洪溝  
冷淡上龕巖灑北府何曾到 夜深陌上行人悄獨聽  
巖前子規叫切切松梢啼到曉聲聲相勸不如歸去爭  
柰功夫少

報師恩削髮留髭

不僧不道不溫柔九百人前不害羞覺性一時超界法  
知身億劫是吾囚 改頭換面人難悟走骨行屍我不

憂得意忘形還撲去從教人笑不風流

又號縣渭南樂裏

一方勝景滿天稀水竹彎環四面圍  
簇檻名花紅冉冉當門幽檜綠依依  
爭歌稚子春風舞鬪巧靈禽曉樹啼  
社內人家三十戶崇眞修道壓磻溪

又

一橫嘉景日常新古柏森森四季春  
福地清高稀俗事名壇時復會仙賓  
人人盡喜生中國戶戶虔心敬上眞  
惟願諸公皆省悟同登無漏出紅塵

又贈眾道友

神仙縹緲太虛私世俗無由得見之  
幸遇門庭開教化

臨逢齋醮莫推辭  
擔家造孽常終日  
作福治心只暫時  
更到時來心不謹  
終身何以報恩慈

又疏慵

懶看經教懶燒香  
兀兀騰騰似醉狂  
日月但知生與落  
是非寧辨短和長  
客來坐上心情問  
飯到脣邊口倦張  
不是故將形體縱  
養成貧病療無方  
金蓮出玉花  
得遇行化

重陽師父昔日甘河曾得遇  
大道心開設教東游海上  
來  
天涯迴首挈得吾鄉三四友  
魏國升遐驚動秦川  
百萬家

又自述

蓬頭垢面不管形骸貧與賤抱樸頤神恬淡無憂樂本  
眞冰姿玉體到了難趁沈土底子羽潘安泉下骷髏  
總一般

又法門寺李生求

一團殍肉千古迷人看不足萬種狂心六道奔波浮更  
沈天真佛性昧了如何重顯證寶範仙宗覺後憑君  
豁蔽蒙

又夏旱

時當正熱正值天高時雨闕萬里晴暉雲欲生來風旋  
吹如鑪天地盡日炎炎鎔暑氣物困人疲憶得前春  
嫌雨時

又西號南村

南村地勝曲水橫斜穿柳徑是處池塘拍塞荷花映粉  
牆高堂大廈戶戶如屏堪入畫峻嶺崇岡日日生雲  
遙降祥

又青峰

雲收雨霽露出青峰寒骨勢野靜天空岌岌高橫碧落  
中南溪無景與爾炎天消日永永日題詩不賦閒愁  
只賦伊

又至號州與丹陽致魔作外界人被囚

登萊濰密四海皆聞頭插筆愛諍多詞不肯饒人些子  
兒余今向道非自從前生計較好弱都休腦後如今



沒筆頭

悟南柯西號劉氏作下元醮時喬生簪菊滿頭

白露三秋盡清霜十月初羣花零落共蕭疏惟有重陽  
嘉景獨魁梧 爛漫真堪愛馨香不可孤人人皆插滿  
頭敷試問喬公簪著一枝無

又

爛漫黃金蕊輕盈白玉枝重陽留得下元時醮謝星官  
特地獻真師 牒奏三天主聲聞九地師存亡福慶已  
潛資大道洪恩兼付出家兒

又隴州防禦裴滿鎮國因病召余下山將還乃子覓言

遂書此以贈

浩浩塵緣境翩翩幻化軀中情不解了須臾任意奔波  
顛倒走崎嶇逗引中丹壞消磨內藏虛悲愁災患共  
縈紆百便千方醫療不能除

鍊丹砂贈西虢周道全

守分莫強圖遣日間居樂天知命忍蕭疏萬事休論成  
與敗兀兀前途失去本來虛得也何如百年反覆乃  
須臾不似中心存道念賢聖相扶

清心鏡警殺生

萬靈中人最貴超羣化數屬三才品位愚夫甚卻騁兇  
頑便將爲容易殺害生靈圖作戲全不念地獄重重  
暗記一朝若大限臨頭與他家愷氣

又

鬼神擒鞭撻跪愁開眼強欲思量巧計當頭把業鏡高  
懸那冤家怎諱拔舌剋心酬快意全不似舊日馨香  
美味三塗任百毒陵遲再生人卒未

又贈西虢醮眾時強公病噎疾

建齋筵須省可休羅列看食重重堆種本來要薦福求  
恩卻招殃惹禍強老先生還見麼莫不是受用於身  
太過如今縱百味珍羞眼相看嚙唾

玉爐三澗雪勸同道楊公不游海

最苦三冬冰雪難當萬里風塵天涯海角不離身何處  
參同心印況是中丹宛轉徒勞外景因循爭如作伴

到青春看我行藏遠近

又勤勞

物外雖明端的天心未放玲瓏區區陌上走西東也學  
浮生作夢 夢寐更勞數載巖龕復度三冬待他消息  
顯真功放出淩雲螭竦

又自詠

夜宿礮溪古廟曉登竹徑荒村日中無事餒巡門淡飯  
求他一頓 不會深窮造化隨緣且度朝昏是非人我  
絕談論復返生前混沌

又

一性昭彰乍顯二儀混合初融飄飄法界任西東到處

神光覆擁 萬籟寒泉湊頂八方瑞靄騰空怡然獨向  
九霄中坐看浮生作夢

又暮景

杲日西沈遠隴輕飆南起洪崖飄飄逸興爽情懷吹斷  
愁思俗態 漸漸放開心月微微射透靈臺澄澄湛湛  
絕塵埃瑩徹青霄物外

又

日落風生古洞夜深月照寒潭澄澄秋色淨煙嵐獨弄  
圓明寶鑑 認得心田要妙咄迴世俗貪婪自欣山谷  
臥松巖情願被粗食淡

訴衷情九日後作

紛紛霜葉亂飄颺時令過重陽黃花爛漫依檻猶自吐  
清香秋漸老夜彌長道情昌雲庵入定法界游仙不  
動淒涼

又

孤城寒角韻悠颺風送入斜陽池塘菡萏無色蘭畹有  
餘香秋日短暮天長月華昌空空寂照蕩蕩虛心一  
片清涼

又風景

長安風景古今奇吾道少人知天心地肺時正生殺按  
樞機靈物秀玉芝肥射虹霓山頭凝望日下三川壓  
盡華夷

解寃結贈醮眾

山河已定干戈不起太平時  
八方和義齋醮頻修盛  
蒼報虛空天地謝洪恩  
暗中慈惠 千年一遇  
神仙出世 幸遭逢  
莫生輕易供養精嚴  
但一歲勝如一歲  
遇良辰 大家沈醉

又自詠

當初學道憑空鍊  
已志衝天人間無比  
放曠山林次後  
復逍遙雲外過夷門  
又臨秦地 飄蓬十載  
游程萬里 度關津  
崎嶇迢遞事事諳  
來但悟了般般  
總棄只隨緣 布裘芒履

又覓飯

北方一日南方一日共東西四方交日夢寐沈沈且往  
來游行消日待他年道心開日百年短景都來幾日  
暗推排今朝明日不覺推排到聖賢嘉音來日洞天開  
是吾歸日

玩丹砂游歷

雲水飄飄物外吟醞醞默默醉中斟神仙活計道人心  
容易肯爭三寸氣尋常不貯一文金清貧柔弱禍難

侵

又土堦避暑

仙院深沈古柏青森森寒影拂苔輕蕭條終日爽人情  
洞冷不知門外暑心閒惟覺腹中輕繞身渾似積冰



凌

又退道

劒樹刀山雪刃橫千磨百拷死還生哀聲流血苦難登  
針刺著身猶害痛鋼鋸劓性莫非疼如何淫放不修

行

無漏子樂道

去年禾今歲麥陸地如雲充塞豐稔世太平年黎民各  
坦然眾心安閒客易到處逍遙無事昏告宿餒求餐  
坊村沒阻顏

又秋霽

夕陽紅秋水淡雨過碧天如鑑籬菊綻塞鴻歸長郊葉

亂飛 上西山斟北海酌酊神游仙界霜夜冷月華清  
醺醺醉未醒

又假軀

一團膿三寸氣使作還同傀儡誇體段騁風流人人不  
肯休 白玉肌紅粉臉盡是浮華妝點皮肉爛血津乾  
荒郊你試看

恣逍遙

贈眾道友號縣渭南也

昔種良因今生福地虛空感上真加衛開壇闡化垂慈  
普濟凡一月於中建成三會三七齋也 至日相呼臨時莫  
避乘齋且散心遊戲家中不足眉頭長繫也則是浮生  
過了一世

又

忙裏偷閒師前取意勝如那苦求庸昧連朝抵暮貪生  
不已也道我爲人過了一世假使狂圖兼能巧智多  
方便蘊成家計兒孫有靠金珠無底終比做精神較些  
憔悴

桃源憶故人丹陽屢傳教誨寄荅

虛空照耀明如鏡好弱頭頭皆應隨逐狀同形影稍錯  
還提正 他人讒報渾虛佞遠道狂言無證切告後來  
休聽默默依賢聖

又

故人別後閒吟罷寂寞雲溪蕭灑百尺孤松影下獨弄

周天卦 清風皓月雖無價妙手奇工難畫欲向世閒  
誇詫誰是分真假

好離鄉述懷

獨坐向南溪一事無能百不知所愛冥冥煙雨後東西  
雲綻峩峩列翠微 蒼骨太虛齊冉冉寒光映日飛何  
事中心看不足忘歸似有膏肓病著肌

又

亂草獨彎跼鼓腹高歌自在閒一枕游仙清夢斷怡顏  
笑傲聲喧碧嶂閒 日午啓柴關雀躍徘徊望遠山山  
下有人來問道知難雀躍無言笑卻還

蓬萊閣仙山

蓬萊闕漫漫巨海深難越深難越洪波激吹怒濤翻雪  
玉霄東畔曾聞說虛無一境天然別天然別鼇山不  
動蜃樓長結

又述懷

棲霞客西游棲在南溪側南溪側千尋赤岸萬株蒼柏  
無心只有輕雲白舉頭不見繁華色繁華色空華雜  
亂世人貪得

熱心香學道

大道無形方寸何憑在人人智見高明能降眾欲解斷  
羣情作鬧中間忙中靜濁中清情態如嬰懷抱如冰  
自蒙籠覺破前程吾言至屬君耳深聽下十分功十分

志十分成

又

征鴈迴時野菊凋  
爛向深溪古洞彎  
跼孤吟靜境獨鍊  
還丹被夜蕭條控  
局促坐艱難 一性  
參差數載流連  
到如今方露因緣  
瓊珠達地寶月通  
天便出玲瓏忘機  
殼沒孜煎

下手遲自詠

落魄閒人本姓丘  
住山東東路登州  
自少年割斷攀緣  
網從師父西游 兀  
兀騰騰不繫留似  
長江一葉孤舟  
任紅塵白日忙如  
火但雲濛無憂

又

物外優游散誕身似青霄一片閒雲任虛空來往呈嘉  
瑞但不惹纖塵八表天游何所親會三光日月星辰  
向閒中別沒生涯事且作伴爲鄰

心月照雲溪喬生喪隅

陰陽變化萬古同於此得失暫時閒又何必欣生惡死  
存亡壽夭都在百年中迴頭看北邙山累累皆相似  
身如賃舍性假權居止何處是家鄉任六道循環驅使  
覺來放下不用苦孜煎非眷屬莫憂他且要隄防自

離苦海贈西虢周道全

知君好事從來慕爭柰染浮華難去雖然欲意學飄蓬  
被繫腳繩兒縛住 惛惛頂上旋烏兔切莫把光陰虛

度神仙咫尺道非遙但只恐人心不悟

武陵春渭南楊五生朝

新歲纔交生萬物時令近元宵瑞氣濛濛降碧霄方誕  
謫仙苗貌態堂堂殊勝敏歸道厭凡囂石爛松枯壽  
更遙龜鶴筭都饒

水雲游

自詠

且住且住且向碧巖忘機絕慮自知得分薄緣輕卒難  
爲顯客支離幻化藏名譽搯年光時序共磻溪一帶  
豪民結良因妙趣

望遠行

因旱贈渭南王坦公醮上諸道友

九夏疲天旱萬物傷時熱筭都爲人心分外生枝節鬪



衣鮮馬壯社火班行引拽小兄弟虛耗村村結關西風俗結年

甲相次者為社春秋殺性釀酒賽神取樂下士無邪正上帝分優劣傲咱

心不同彼志胡漂撇啓虔誠修齋念善因循歲月望賢

聖空裏相提挈

烏夜啼戒洗麪

嗚呼俗態行樂恣胸襟蓋論人情華世度光陰陰陽反

覆天地有浮沈福謝殃來悲痛怎生禁統年纔過腸

胃飽初侵洗麪淘筋還是競貪淫人無遠慮必有禍胎

深禍未萌時誰解預防心

賀聖朝靜夜

夕陽沈後隴收殘照柏鎖寒煙向南溪獨坐順風長聽

一派鳴泉 迢迢永夜事忘閒  
性琴弄無絃待雲中青  
鳥降祥時證陸地神仙

無夢令 誠奢

陝右人人聽我福地好  
修因果天下不如斯  
貧富一般行坐輕可輕  
可輕可驕奢太過

又

皇統年時飢餓萬戶愁  
生眉鎖有口卻無餐  
滴淚謾成珠 顥災禍  
災禍臨頭怎趨

補遺

漁家傲

夜來又見銀河綻  
碎翦鵝毛交加亂  
染畫素山如粉面

路難辨迢迢萬里如鋪練  
密洒高樓風似箭江邊聽  
得漁翁喚玉作棹竿銀索纜  
船行慢水流冰結梨花綻  
無俗念靈虛宮梨花詞

春游浩蕩是年年寒食梨花時節白錦無紋香爛漫玉  
樹瓊葩堆雪靜夜沈沈浮光靄靄冷浸溶溶月人閒天  
上爛銀霞照通徹  
渾似姑射真人天姿靈秀意氣舒  
高潔萬化參差誰信道不與羣芳同列浩氣清英仙材  
卓犖下土難分別瑤臺歸去洞天方看清絕

魯齋詞目錄

沁園春

滿江紅

滿江紅

鷓鴣天

沁園春



魯齋詞

河內 許衡 仲平

沁園春

東館路中

自笑平生一事無成險阻備經記丁年去國干戈擾攘  
□□□蹤迹飄零魯道塵埃齊封景物旅況悠悠百  
恨增斜陽裏對西風洒淚魂斷青冥家園未得躬耕  
又十載羈棲古魏城念拙謀難遂丹心耿耿韶華易失  
兩鬢星星五畝桑田一區茅舍快與溪山理舊盟橋邊  
柳安排青眼待我歸程

鷓鴣天

夜寒

土榻侵尋夜半風眼羞無睡強朦朧新詩暗琢拳攣裏

往事都思展轉中  
虜起粟脊彎弓須知玉汝是天衷  
壻間也去從人乞怎立當年濟世功  
一作怎得心  
胸浩氣冲

滿江紅書懷

親友留連都盡道歸程忽逼還可慮干戈搖蕩路途艱  
厄萬事豈容忙裏做一安惟自閒中得便相將妻子抱  
琴書青山側行與止吾能識成與敗誰能測但糲餐  
餬口小窗容膝桑梓安排投老地詩書準備傳家策使  
蘇張重起論縱橫心難易

沁園春墾田東城

月下檐西日出籬東曉枕睡餘喚老妻忙起晨餐供具  
新炊藜糝舊醃鹽蔬飽後安排城邊墾厠要占蒼煙十

畝居閒談裏把從前荒穢一日驅除  
爲農換卻爲儒  
任人笑謀身拙更迂念老來生業無他長技欲期安穩  
敢避崎嶇達士聲名貴家驕蹇此好胸中一點無歡然  
處有膝前兒女几上詩書

滿江紅

見元草堂詩餘

河上徘徊未分袂孤懷先怯中年後此般憔悴怎禁離  
別淚苦滴成襟畔濕愁多攤就心頭結倚東風搔首漫  
無聊情難說黃卷內消白日青鏡裏增華髮念歲寒  
交友故山煙月虛道人生歸去好誰知美事難雙得計  
從今佳會幾何時長相憶





稼村樂府目錄

千年調

水調歌頭

臨江仙

滿庭芳

水調歌頭

乳燕飛

念奴嬌

瑞龍吟

賀新郎

樂語附



稼村樂府

古豐 王義山 元高

千年調遊葛嶺歸有感

勝地獨湖山滿堂貯風月歌舞太平氣象雪回雲遏紅  
鞋朱帽隔岸喚船芙蓉萬疊人稀到這清絕 因思舊  
事莊微平泉宅莫與他人樹石對兒孫說難全晚節不  
如一北壑住茆屋三閒任窮達

水調歌頭壽湖南胡太初

沉澆金莖露清潔玉壺冰分明昨夜光見南極老人星  
山甫秀鍾崧嶽傳說上符箕尾造物爲時生一代詞科  
伯飛上到蓬瀛 紫薇天丹禁地掌絲綸盤洲益國箇

樣人物只三人辭卻翰林風月故就湖湘霖雨天下共  
爲春試看玉堂口太半秉洪鈞

臨江仙壽章丞相

明日中元生上相真上相上元生滿城燈火晝三更台  
星呈瑞處一點壽星明和氣薰蒸開泰運湖山萬里  
光榮願推天地發生仁八荒開壽域一氣轉洪鈞

滿庭芳壽余節使

線柳迎風錦棠媚日十分春色豪奢青煙宮燭飛入侍  
臣家瑞靄深籠畫戟壽星照曲纛高牙因知是崧高華  
旦玳宴醉瓊花翻鴉新詔墨聞樞庭召入已辦宣麻  
比汾陽福壽公更穹華佇看稠青疊紫書香藹桂子蘭

芽鳴珂處西湖路上接武築堤沙

水調歌頭乙亥春永嘉歸舟

宇宙郵亭耳遊子問舟歸灘上灘下轉柁欲速□□遲  
安得泛河一葉尋見江南歸處多只是旬餘此身無地  
著驚浪濕征衣獨張翰見風起早知幾誰把乘舟偏  
重良策濟明時夷島人煙相接恰在永嘉上浦猛憶浩  
然詩鄉闔萬餘里失路一相悲

賀新郎乙亥春題雁蕩山

雅有登山癖覺老來尙可躋攀浪遊躡屐險怪巖堯稱  
雁蕩爭秀羣山第一更聳出穹厓千尺景物深藏長谷  
裏最上龕水鑿時衝激砒砒處鉅口石地生天作誰

能識睹江山如故恨無一時人物靈運當年爲太守佳  
處都曾遊歷獨不見此山腳迹風月直須人管領怎不  
移石壁題巖壁今且著老夫筆

念奴嬌題臨湖閣閣在東陽向巨源所創洪容齋作記

舊贅漕幕居其下

南昌奇觀最東湖好景重重疊疊誰瞰湖光新傑閣橫  
挹翠峰截薛十里芙蓉海神捧出一鏡何明徹鳶魚飛  
躍活機觸處潑潑容齋巨筆如椽迎來一記贏得芳  
名獨猛憶泛蓮前日事詩社杯盤頻設倚看斜陽檐頭  
燕子如把興亡說誰迎誰送一川無限風月

瑞龍吟壽京尹曾留遠

晨光曙遙見□灼文奎照天心處峨眉棱上西飛北魁  
南極騰輝燦麗 神皋地爭看碧幢旗戟藹然佳氣深  
深有美堂中繡幃□幕笙歌不住 知是元戎初度玉  
觥頻舉雲堤煙市時聽笑聲都人相賀相語人人說是  
活佛生今世襟懷內嚴霜瑩月春風秋水文肅貂蟬貴  
南豐學問文昭節義若問莊椿歲堪誰比清源曾公壽  
齒郎君宥府袞衣榮侍

賀新郎自賀生孫丙戌四月

自笑斟醺醖作皤然一老逍遙東湖湖曲好事爆然來  
子舍報道生孫新浴算天也從人所欲萬事足雖緣有  
子見孫時萬事方爲足詩禮脈今有續 吾家本是山



陰族見生來風神稍秀足娛吾目吾子吾孫同此月日  
分纔爭五六喜聽得歡聲滿屋愚魯聰明天所賦只無  
災無難爲多福且願汝書勤讀

樂語附

文章夫技耳至於駢辭俳語技之尤小者也司馬  
公自謂不能四六歐陽子不肯爲人作四六鄒道  
鄉不作樂語而余皆犯之矣惟肖類於卷尾姑存  
之以紀一代儀文之末云

壽崇節致語

隆興府

萬年介壽星辰拱文母之尊四海蒙恩雨露寵周臣  
之宴頌聲交作協氣橫流與天同心爲民立命以聖

予承承繼繼九州悉臣奉太后怡愉愉億載永久  
寶冊加徽稱於漢典綵衣絢瑞色於舜庭捧金鑪香  
胥慶壽崇之旦口玉卮酒永延長樂之春躬稟聰明  
性純愛敬晉福介王母三千年之桃暈新紅華封祝  
聖人八九葉之冀開並綠耳鳳韶之雅奏身魚藻之  
深仁臣等幸囿明時忻逢盛事遙瞻禁衛藹播衢謠  
東極承顏肅紫宸恩醲湛露宴羣臣香傳禁柳鳴球  
瑟影顫宮花藹縉紳璀璨祥光三殿曉怡愉和氣萬  
年春明朝又紀流虹瑞更效封人祝聖人

對廳致語

怡愉奉太后稱觴盛長樂之儀普率皆王臣會口接

鎬京之飲歡浮魚藻光射斗牛恭惟特進大觀文大  
丞相國公四海儒宗兩朝元老巨川舟楫旱歲霖雨  
不有其功清時鐘鼓勝事園林自樂以道暫遊洛社  
更築沙堤宮使端明相公吟徧玉堂來尋綠野聽星  
辰履久聯紫殿之清依日月光已覺黃扉之近宮使  
閣學尙書爲國喉舌同姓腹心寄興西山雖喜林泉  
蕭散召還北闕要推社稷經綸觀使提刑戶部曾策  
駒駟肯盟鷗鷺入直天上尙記青藜趣起山中便持  
紫囊提刑詔使提刑部灑人寒露厲古清風衡岳雲  
開會見郎官列猶甘泉地近卽依天子九重觀使提  
刑判府監丞玉節猶香幅巾自適胸中宇宙素存開

濟之心足下風雲直峻清華之武觀使判府刑部老  
成器局光霽襟懷贊白雲之司早培朝望翔紫霄之  
表簡在帝心眾位判府郎卿金石春鳴琳琅映照吟  
萬柳陰中之句香入詔芝接五花影裏之班望高玉  
筍及梓里滿前之材俊皆蘭臺向上之鎡基我知府  
運使華文國史祕監侍郎渠觀聯輝節麾疊組不知  
晝錦爲邦家之光閭里之榮但喜陽春在天庭之間  
湖山之外嘉與十一郡黎獻之眾載歌萬億載慈祥  
之詩壽崇方慶於坤闈旣醉共分於天祿合星垣之  
賓佐偕月乘之儒流蓉府材能柳營韜略客坐聯杏  
壇之秀男邦藹花縣之英籩豆肆陳笙簧迭奏福介

於王母幸永瞻慈極之尊河清生聖人更同效華封  
之祝口等敷陳俚調揚厲休期

八葉萸香夏氣清坤闈有慶佛同生楓宸稱壽雲霄  
迴萃野霑恩雨露深祚永萬年齊晉福孝濡九有樂  
升平電樞又報祥光繞虎拜揚休天子明

唱

金闕深深正夏日初長禁柳青祥煙紛簇紅雲一朵飛  
度彤庭千妃隨步處覺薰風微拂觚棱天顏喜向東朝  
長樂獻九霞觥 分明西崑王母來從光碧駕飛駟爲  
言今日金仙新浴共慶長生捧桃上壽天一笑賜宴蓬  
瀛沸歡聲道明朝前殿又祝椿齡

勾問隊心

妾聞舜殿重華薰風初奏唐宮興慶壽日新逢遠方  
稱讚效微誠女隊踟躕呈妙舞腰翻翠柳步趁金蓮  
豈無皓齒之歌可表丹心之祝相攜纖手共躡華裯  
唱柘枝令

西山元是神仙境瑞氣鬱森森彩鸞飛下五雲深急管  
遞繁音碧鬢口斜花欲顛輕盈蓮步移金紫檀催拍  
莫沈吟傳入柘枝心

花心唱

慈元宮殿五雲開壽獻九霞杯步隨王母共徘徊仙子  
下瑤臺紅袖引翻鸞鏡媚娑娑雪口風回繁絃脆管

莫相催齊唱柘枝來

四角唱

風吹仙袂飄飄舉底事下蓬萊東朝遙祝萬年杯玉液  
瀉金壘 天上蟠桃又熟暈酡顏紅染芳顚年年摘取  
獻天堦齊舞柘枝來

遣隊

銅壺漏轉屢驚花影之移桂權風輕已覺蓬萊之近  
覆裯已蹙雪鼓重催歌舞旣周好去好去

勾隊

瞻壽星於南極瑞啟東朝移仙馭於西山望傾北闕  
式歌且舞共祝無疆

吳仙詩

一曲清歌豔彩鸞  
金鑪香擁氣如蘭  
西山高與南山  
接賸有當時卻老丹

唱

千年紫極鎖煙蘿  
豔質含羞斂翠蛾  
遠睇慈元稱壽處  
不妨連臂大家重與楚舞更吳歌

謚仙詩

冉冉飛霜綴綺裳  
遙知謚母下丹陽  
黃金鍊就三山  
藥來採蒲花獻壽觴

唱

祕傳玉訣自靈修  
家在仙山最上頭  
更有仙茅香馥郁



年年今日薰風時候掇取獻龍樓

鶴仙詩

飲馬池邊號浴仙仙姿化鶴古今傳金經尤有延年  
訣未數莊椿壽八千

唱

自在雲閒白鶴飛晴川浴罷不勝衣旋裁五色冰蠶錦  
千花覆處三呼聲裏惹得御香歸

龍仙詩

楚尾吳頭風乍薰滄波深擁小龍君願朝帝母龍樓  
晚來曳霞裾駕五雲

唱

閒雲潭影日悠悠暮倚朱簾更少留龍壽本齊箕與翼  
口從今日一年一度東極慶千秋

柏仙詩

古柏林閒小劍仙雲氣低縮鞞輕蟬願持天上長生  
籙來祝東朝億萬年

唱

新吳曾遇許旌陽寶氣橫空一劍長願祝慈闈長不老  
天長地久有如此柏萬古鎮蒼蒼

遣隊

花陰日轉觀妙舞之初停蓮步雲生學飛仙之難駐  
遙瞻翠闥已啟金扃待擬重來不妨好去

王母祝語

長樂宮中永壺天之日月蓬萊島上曳洞府之煙霞  
不辭弱水之遙來祝南山之壽恭惟體坤至靜與佛  
同生德比周任知文王之所以聖尊爲太后喜唐帝  
之孝於親和藹一堂慶流萬宇崑圃五城宅幸居至  
治之朝雲璈九霞觴因獻長生之籙恭惟丕承慈訓  
克紹洪休八九葉莫開接虹流於華渚三千年桃熟  
侑宴飲於瑤池薰風迭奏於虞絃湛露載沾於周澤  
臣口喜遊化國適際昌辰密依天闕之光好誦仙家  
之句

壺嶠天低樂聖時南薰初試度蘭池影飛霞佩朝金

殿曲奏雲和獻玉卮稽首萬年堯曆永承顏五色舜  
衣垂仙家更有蟠桃在明日重來謁帝堦

唱

龍樓日永鶴禁風薰拂曉壽星光現無限霞裾欣傳帝  
母與佛同生華旦佳氣慈闈看龍顏歡動玉卮親勸捧  
祝殷勤對萱草青鬆菖蒲翠軟奇香噴堦前芍藥頻繁  
紅深紫淺遙望千宮鷺序曉仗初齊趨覲慈元宮殿  
更喜明朝虹流佳節同聽嵩山呼萬湛露重重燕慶兩  
宮盛事如今親見齊祝願西崑凝碧南山增綠與天齊  
算身長好年年拜舞宮花顫

勾隊

萬歲山前三呼祝壽千花海裏一□□□從來無日  
不春況是薰風初夏薔薇□□芍藥翻堦葵欲向陽  
榴將噴火正好共尋奇卉來獻芳筵對仙李之盤根  
今朝一轉慶蟠桃之結實明日重來上侑清歡千花  
入隊

萬年枝詩

百子池邊種最奇無人識是萬年枝細花密葉青青  
子常得披香雨露滋東風向晚薰風早禁路飛花沾  
壽草年年聖主壽慈闈先獻此花名字好

唱

先獻此花名字好密葉長青翠羽搖仙葆紫禁風薰驚

夏到花飛細口香堪掃  
拂曉宮娃爭報道無限瓊妃  
縹緲來蓬島來向慈闈勤頌禱  
萬年枝口同難老

長春花詩

東風不與世情同多付春光向此中  
葉裏儘藏雲外綠枝頭賸帶日邊紅  
百花能占春多少何似春顏長  
自好清和時候卷紅綃端的長春春不老

唱

端的長春春不老玉頰微紅酒暈精神好多謝天工相  
懊惱花閒不問春遲早風外新篁搖翠葆長樂宮邊  
綠蔭籠馳道此際稱觴非草草絳仙親下蓬萊島

菖蒲花詩

昔年有母見花輪富貴長年不記春今報紫茸依碧  
節獻來慈極壽莊椿漢家天子嵩山路又見蒲仙相  
與語而今帝母兩怡愉莫忘九疑山上侶

唱

莫忘九疑山上侶任在山中白石清泉處好與長年沾  
雨露靈根下遺蟠虬護青青九節長如許早晚成花  
教見薰風度十二節添須記取千年一節從頭數

萱草花詩

當年子建可詩章綠葉丹花有擘光爲道宜男仍永  
世福齊太姒熾而昌猶記夏侯曾與賦灼灼朱華入  
嘉句紫微右極是慈闈歲歲丹霞天近處

唱

歲歲丹霞天近處借問殷勤何以逢蘭杜碧砌玉闌春  
不去清香長逐薰風度況是恩光新雨露綠葉青青  
蔥翠長如許端的萱花仙伴侶年年今日堦前舞

石榴花詩

待闕南風欲上場陰陰穉綠繞丹牆石榴已著乾紅  
蕾無盡春光儘更強不因博望來西域安得名花出  
安石朝元閣上舊風光猶是太真親手植

唱

猶是太真親手植猩染鮮葩歲歲如曾拭絳節青旌光  
耀日分明是箇神仙匹引領金扉紅的的下有仙妃



纖手輕輕摘爲道朱顏常似得今朝摘取呈慈極

梔子花詩

當年曾記晉華林望氣紅黃梔子深有敕諸官勤守  
護花開如玉子如金此花端的名薺蔔千佛林中清  
更潔從知帝母佛同生移向慈元供壽佛

唱

移向慈元供壽佛壓倒羣花端的成清絕青萼玉包全  
未拆薰風微處留香雪未拆香包香已冽沈水龍涎  
不用金鑪爇花露輕輕和玉屑金仙付與長生訣

薔薇花詩

碎翦紅綃閒綠叢風流疑在列仙宮朝眞更欲薰香

去爭擲霓衣上寶籠  
忽驚錦浪洗春色  
又似宮娃逞  
妝節會當一遣移  
花根還比蒲桃天上植

唱

還比蒲桃天上植  
穉綠陰中蜀錦開  
如織萬歲藤邊嬌  
五色宜春館裏香  
尋覓七十二行鮮  
的的歲歲如今  
早趁薰風摘金掌  
露濃堪愛惜  
龍涎華潤凝光碧

芍藥花詩

倚竹佳人翠袖長  
阿姨天上舞霓裳  
嬌紅凝臉西施  
醉靑玉闌干說疊香  
晚春早夏揚州路  
濃妝初試鵝  
紅妒何如御繖掖  
垣中日日傳宣金掌露

唱

日日傳宣金掌露當殿芳菲似約春長駐微紫深紅渾  
謾與淡妝偏趁泥金縷拂早薰風花裏度吹送香塵  
東殿稱觴處歌罷花仙歸洞府彩鸞駕霧來南浦

宮柳花詩

御牆側畔綠垂垂接夏連春花點衣好似雪茵胡旋  
舞樓臺簾幕燕初飛薰風日永彤墀曉宮妃簇仗呈  
千巧就中妙舞最工奇戲袞玉毬添一笑

唱

戲袞玉毬添一笑笑道輕狂似恁人閒少偏倚龍池依  
鳳沼隨風得得低回繞掠面點衣誇百巧似雪飛花  
點束梁園好惹住金虬香篆裊上林不放春光老

蟠桃花詩

藥珠仙子駕紅雲來說瑤池□□春道是當年和露  
種三千花實又從新紅雲元透西崑路青鳥銜枝花  
□□薰風初動子成初消息一年傳一度

唱

消息一年傳一度萬歲枝香總是留春處曾倚東風嬌  
不語玉階霞袂飄飄舉蓬萊清淺紅雲路結子新成  
要薦金盤去一實三千須記取東朝宴罷回青羽

眾唱

十樣仙葩天也愛留住春光一一嬌相賽萬里鶯花開  
世界園林點檢隨時採□□□眉仙體態天與司花

舞徹歌還再獻與千官頭上戴年年萬歲聲中拜